

尚書正義

尚書注疏卷第七

國子祭酒上護軍曲阜縣開國子臣孔穎達奉

勅撰

夏書

甘誓第二

五子之歌第三

胤征第四

甘誓第二

啓與有扈戰于甘之野作甘誓

夏啓時立  
伐有扈之罪

王甘誓

正義曰夏王啓之時諸侯有扈氏叛

命率衆親征之有扈氏發兵拒啓啓與戰于甘之

之野將戰集將士而誓戒之史叙其事作甘誓傳

夏啓至之罪正義曰孟子稱禹薦益於天七年

禹崩之後益避啓於箕山之陰天下諸侯不歸益

而歸啓曰吾君之子也啓遂即天子位史記夏本

紀稱啓立有扈氏不服故伐之蓋由自堯舜受禪

相承啓獨見繼父以此不服故云夏啓謂禹立伐

有扈之罪言繼立者見甘誓甘有扈郊地甘誓

其由嗣立故不服也甘誓名將戰先誓正

義曰發首二句叙其誓之由其王曰已下皆是誓

之辭也曲禮云約信曰誓將與敵戰恐其損敗與

將士設約示賞罰之信也將戰而誓是誓之大者

禮將祭而號令齊百官亦謂之誓周禮大宰云嗣

禮將祭而號令齊百官亦謂之誓周禮大宰云嗣

五帝則掌百官之誓戒鄭玄云誓戒要之以刑重失禮也明堂位所謂各揚其職百官廢職服大刑

是誓辭之略也彼亦是約信但小於戰之誓馬融云軍旅曰誓會同曰誥誥誓俱是號令之辭意小

異耳傳甘有至先誓正義曰地理志扶風郿縣古尾國夏啓所伐者也鄠尾音同未知何時改

也魯伐有尾必將至其國乃出兵與啓戰故以甘有尾之郊地名馬融云甘有尾南郊地名計啓

行誓之當在東郊融則扶風人或當知其處也戰先誓誓是臨戰時也甘誓牧誓費誓皆取誓

地為名湯誓舉其王號泰誓不言武誓者皆史官不問故立名有異耳泰誓未戰而誓故別為之名泰

誓自悔而誓非為戰誓大戰于甘乃召六卿天子

王曰嗟六事之人各有軍予誓告汝有

虐氏威侮五行怠棄三正五行之德王者相承所取法有扈與夏同姓恃

親而不恭是則威虐侮慢五行怠惰棄廢天地人之正道言亂常天用勦絕其命其用

失道故勦裁也今予惟恭行天之罰恭奉也言欲裁絕之左

不攻于左汝不恭命左車左左方主射右不攻于

右汝不恭命右車右右勇力之士御非其馬之正汝

不恭命御以正馬為政三者用命賞于祖天子親征必載

遷廟之祖主行有功弗用命戮于社天子親征又載社主謂之社事

不用命奔北者則戮之於社主前予則孥戮汝孥社主陰陰主殺親祖嚴社之義

也非但止汝身辱疏大戰至戮汝正義曰史官  
及汝子言恥累也疏自先叙其事啓與有扈大戰

于甘之野將欲交戰乃召六卿令與衆士俱集王  
乃言曰嗟重其事故嗟歎而呼之汝六卿者各有

軍事之人我設要誓之言以勅告汝今有扈氏威  
虐侮慢五行之盛德怠惰棄廢三才之正道上天

用失道之故今欲殺絕其命天既如此故我今惟  
奉行天之威罰不敢違天也我既奉天汝當奉我

汝諸士衆在車左者不治理於車左之事是汝不  
奉我命在車右者不治理於車右之事是汝不奉

我命御車者非其馬之正令馬進退違戾是汝不  
奉我命汝等若用我命我則賞之於祖王之前若

不用我命則戮之於社王之前所戮者非但止汝  
身而已我則并殺汝子以戮辱汝汝等不可不用

我命疏以求殺敵戒之使齊力戰也傳天子至命  
王疏曰將戰而召六卿明是卿爲軍將天子

六軍其將皆命卿周禮夏官序文也鄭玄云夏亦然則三王同也經言大戰者鄭玄云天子之兵故曰大孔無明說蓋以六軍並行威震多故稱大戰傳各有至六事正義曰卿爲軍將故云乃召六卿及其誓之非六卿而已鄭玄云變六卿言六事之人者言軍吏下及士卒也下文戒左右與御是徧勅在軍之士步卒亦在其間六卿之身所部之人各有軍事故六事之人爲摠呼之辭傳五行至亂常正義曰五行水火金木土也分行四時各有其德月令孟春三日太史謁於天子曰某日立春盛德在木夏云盛德在火秋云盛德在金冬云盛德在水此五行之德王者雖易姓相承其所取法同也言王者共所取法而有扈氏獨侮慢之所以爲大罪也且五行在人爲仁義禮智信威侮五行亦爲侮慢此五常而不行也有扈氏與夏同姓恃親而不恭天子廢君目之義失相親之

恩五常之道盡矣是威侮五行也無所畏忌作威  
虐而侮慢之故云威虐侮慢易說卦云立天之道  
曰陰與陽立地之道曰柔與剛立人之道曰仁與  
義物之爲大無大於此者周易謂之三才人生天  
地之間莫不法天地而行事以此知怠惰棄廢天  
地人之正道棄廢此道言亂常也孔馬鄭王與皇  
甫謚等皆言有扈與夏同姓並依世本之文楚語  
云昭王使觀射父傅太子射父辭之曰堯有丹朱  
舜有商均夏有觀扈周有管蔡是其恃親而不恭  
也周語云帝嘉禹德賜姓曰姒禹始得姓有扈與  
夏同姓則爲啓之見弟如此者蓋禹未賜姓之前  
以姒爲姓故禹之親屬舊已姓姒帝嘉其德又以  
姒姓顯揚之猶若伯夷國語稱賜姓曰姜然伯夷  
是炎帝之後未賜姓之前先爲姜姓與此同也故  
有尾以爲夏之同姓傳用其至滅之正義曰  
天子用兵稱恭行天罰諸侯討有罪稱肅將王誅



皆示有所稟承不敢專也有屬辭者欲截絕其命  
滅故原天之意言天用其失道之故欲截絕其命  
謂滅之也勅是斬斷之義故為截也傳左車至  
其職正義曰歷言左右及御此三人在一車之  
上也故左為車左則右為車右明矣宣十二年左  
傳云楚許伯御樂伯攝叔為右以致晉師樂伯曰吾  
聞致師者左射以策攝叔曰吾聞致師者右入壘  
折馘執俘而還是左方主射右主擊刺而御居中  
也御言正馬而左右不言所職者以戰主殺敵左  
右用兵是戰之常事故略而不言御惟主馬故特  
言之互相明也此謂凡常兵車甲士三人所主皆  
如此耳若將之兵車則御者在左勇力之士在右  
將居鼓下在中央主擊鼓與軍人為節度成二年  
左傳說晉伐齊云晉解張御卻克鄭丘緩為右卻  
克傷於矢未絕鼓晉曰余病矣張侯曰自始合而  
矢貫余手及肘余折以御左輪朱虜豈敢言病卻

克傷於矢而鼓音未絕張侯爲御而血染左輪是御  
在左而將居中也攻之爲治常訓也治其職者左當  
射人右當擊刺是其所掌職事也傳御以至我命  
正義曰御以正馬爲政言御之政事事在正馬故  
馬不正則罪之詩云兩驂如手傳云進止如御者之  
手是爲馬之正也左右與御三者有失言皆不奉我  
命以御在後故摠解之傳天子至不專正義曰  
曾子問云孔子曰天子巡守以遷廟之正行載於齊  
車言必有尊也巡守尚然征伐必也故云天子親征  
必載遷廟之祖主行有功則賞祖主前示不專也周  
禮大司馬云若師不功則厭而奉主車鄭玄云厭伏  
冠也奉猶送也送主歸於廟與社亦是征伐載主之  
事也傳天子至之義正義曰定四年左傳云君  
以軍行被社釐鼓祝奉以從是天子親征又載社至  
行也郊特牲云惟爲社事畢出里文以社事言之不  
用命奔土者則我之於社主也此謂皆陳也

新以刑賞異處者社主陰陰主殺則祖主陽陽主生  
禮左宗廟右社稷是祖陽而社陰就祖賞就社殺親  
祖嚴社之義也大功大罪則在軍賞罰其偏叙諸勲  
乃至太祖賞耳傳孳子至累也正義曰詩云樂  
爾妻孳對妻別文是孳為子也非但止辱汝身并及  
汝子亦殺言以恥惡累之湯誓云予則孳戮汝傳曰  
古之用刑父子兄弟罪不相及今云  
孳戮汝權以脅之使勿犯此亦然也

### 五子之歌第三

夏書

孔氏傳

太康失邦

啓子也盤于遊田不恤民  
事為羿所逐不得反國

昆弟五人須

于洛汭作五子之歌

太康五弟與其母待太康於  
洛水之北怨其不反故作歌



太康至之歌  
為羿所逐失其

正義曰啓子太康以遊畋棄民  
邦國其未失國之前畋于洛水

表太康之弟更有昆弟五人從太康畋獵與其  
母待太康于洛水之北太康爲羿所距不得反國  
其弟五人即啓之五子並怨太康各自作歌史叙  
其事作五子之歌傳太康至作歌正義曰昆  
弟五人自有長幼故稱昆弟嫌五子之歌啓之五  
是太康之昆故云太康之五弟五子之歌子因以  
名五子之歌正義曰史述作歌之由先敘失  
爲國之事其一日以下乃是歌辭此五子作歌  
五章每章各是一人之作而辭相連接自爲終始  
初言皇祖有訓未必則指怨太康必是五子之歌  
相顧從輕至甚其一其二蓋是昆弟之次或是作  
歌之次不可知也傳啓之至名篇正義曰直  
言五子不知謂誰故言啓之五子太康之弟叙怨  
辭歌不言五弟而言五子者以其述祖之訓故繫  
歌以

太康尸位以逸豫  
尸主也主以尊  
位爲逸豫不勤  
厥德黎

民咸貳

皆其德則與二心矣

乃盤遊無度

盤樂遊逸無法度

畋

于有洛之表十旬弗反

洛水之表水之南十日不還有

窮后羿因民弗忍距于河

太康窮國名羿諸侯名距

廢厥弟五人御其母以從

御侍也言從畋獫于洛之汭五

子咸怨

待太康怨其久畋失國

述大禹之戒以作歌

述循也歌以叙

怨



太康至作歌正義曰二之在天位職當牧養北民太康主以尊位用為逸豫滅其人

君之德衆人皆有二心太康乃復愛樂遊逸無有法度畋獵於洛水之表一出而十旬不反有窮國

弟其名曰羿因民不能堪忍太康之惡率衆距之

得反國太康初去之時其弟五人侍其側

以從太康太康畋于洛南五弟待於洛北太康久而  
不反致使羿距于河五子皆怨太康追述大禹之戒  
以作歌而各叙己怨之志也其弟待母以從太康太  
康初去即然待於洛水之北以冀太康速反羿既距  
之五子乃怨史述太康之惡旣盡然後言其作歌故  
令羿距之文乃在母從之上作文之勢當然也傳  
尸主也正義曰釋詁文傳有窮至廢之正義  
曰襄四年左傳曰夏之方衰也后羿自鉏遷于窮石  
然則羿居窮石故曰有窮國名窮是諸侯之國羿是  
其君之名也說文云羿帝嚳射官也賈逵云羿之先  
祖世爲先王射官故帝賜羿弓矢使司射淮南子云  
堯時十日並生堯使羿射九日而落之楚辭天問云  
羿焉彈日烏解羽歸藏易亦云羿彈十日說文云彈  
者射也此三者言雖不經以取信要言帝嚳時有羿  
堯時亦有羿則羿是善射之號非復人之名字信如  
此則羿名爲何也夏都斟鄩北洛在河南舉大

康於河此不得入國遂廢太康耳界猶立仲康不自立也傳述循至叙怨正義曰述循釋詁文猶其

所戒用作歌以叙怨也其一日皇祖有訓其二曰訓有之是述大禹之戒也其三恨亡國都其四恨絕宗祀其五言追悔無及直是指怨太康非為述祖戒其也本述戒作歌因即言及時事故言祖戒以摠之其

一曰皇祖有訓民可近不可下皇君也君祖禹有訓戒近謂親之下謂失分

民惟邦本本固邦寧言人君當固民以安國子視天下愚夫

愚婦一能勝予言能畏敬小民所以得衆心一人三失怨豈在

明不見是圖三失過非一也不見是謀備其微予臨兆民懍乎若

朽索之馭六馬十萬曰億十億曰兆言多懍危貌朽腐也腐索馭六馬言危懼甚

為人上者奈何不敬

能敬則不驕在上其一至

正義曰我君祖大禹有訓戒之事言民可親近不

可卑賤輕下令其失分則人懷怨則事上之心不

固矣民惟邦國之本本固則邦寧言在上不可使

人怨也我視天下之民愚夫愚婦一能過勝我安

得不敬畏之也所以畏其怨者一人之身三度有

失凡所過失為人所怨豈在明著大過皆由小事

而起言小事不防易致大過故於不見細微之時  
當於是豫圖謀之使人不怨也我臨兆民之上常  
畏入怨慄慄乎危懼若腐索之馭六馬索絕則馬  
逸言危懼之甚人之可畏如是為民上者奈何不  
敬慎乎怨太康之不恤下民也傳皇君至失分  
正義曰皇君釋詁文述禹之戒知君祖是禹禹  
有訓也民可近者據君為文近謂親近之下謂  
卑下輕忽者案本令也奪其典時義以橫役是失



分也故下云予視天下愚夫愚婦一能勝予是畏  
下民也傳言能至衆心正義曰我視愚夫愚  
婦當能勝我身是畏敬小民也由能畏敬小民故  
以小民從命是得衆心也傳三失至其敬正  
義曰顧氏云怨豈在明未必皆在明著之時必於  
未形之日思善道以自防衛之是備慎其微也  
傳十萬至懼甚正義曰古數十萬曰億十億曰  
兆言多也懔懔心懼之意故爲危貌朽腐常則也  
腐索馭六馬索絕馬驚馬驚則逸言危懼甚也經  
傳之文惟此言六馬漢世此經不傳餘書多言駕  
四者春秋公羊說天子駕六毛詩說天子至大夫  
皆駕四許慎案王度記云天子駕六鄭玄以周禮  
校人養馬乘馬一師四圉四馬曰乘康王之誥云  
皆布乘黃朱以爲天子駕四漢世天子駕六非常  
法也然則此言馬多其二曰訓有之內作色荒外  
懼深故舉六以言之

作禽荒

作為也迷亂曰荒色女色禽鳥獸

傳作為至鳥獸正義曰作為釋言文昭

元年左傳晉平公近女色過度惑以喪志老子云馳騁田獵令人心發狂好色好田則精神迷亂故迷亂曰荒女有美色男子悅之經傳通謂女人甘酒嗜音為色獵則鳥獸並取故以禽為鳥獸也

峻宇彫牆

甘嗜無厭足峻高大彫飾畫

有一于此未或不亡

此六

者棄德之君必有其一有一必亡况兼有乎

其三曰惟彼陶唐有此冀方

陶唐帝堯氏都冀

州

傳陶唐至四方

正義曰世本

州統天下四方

云帝堯為陶唐氏

韋昭云陶

唐皆國名猶湯稱殷商也案書傳皆言堯以唐侯升為天子不言封於陶唐陶唐二字或共為地名未必如昭言也以天子王有天下非獨冀州一方故以冀方為都冀州統天下四方堯都平陽舜都蒲坂禹都

其紀綱乃底滅亡言失堯之道亂其法制自致滅亡其四曰明明我

祖萬邦之君有典有則貽厥子孫謂經籍則法貽遺

也言仁及後世關石和鈞王府則有荒墜厥緒覆宗絕祀金

曰石供民器用通之使和平則官民其四至絕祀

足言古制存而太康失其業以取亡正義曰有明明

之德我祖大禹也以有明德為萬邦之君謂為天子也

有治國之典有為君之法遺其後世之子孫使法則之

又關通衡石之用使之和平人既足用王之府藏則皆

有矣典存國富宜以為政今太康荒廢墜失其業覆滅

宗族斷絕祭祀言太康棄典法所以滅宗祀也傳君

萬至後世正義曰萬邦之君謂君統萬國為天子也

與謂先王之典可憑據而行之故爲經籍則法  
詁文典謂先王舊典法謂當時所制其事不爲大  
異重言以備文耳賄遺釋言文以典法遺子孫言  
仁恩及後世傳金鐵至取云正義曰關者通  
也名石而可通者惟衡量之器耳律曆志云二十  
四銖爲兩十六兩爲斤三十斤爲鈞四鈞爲石是  
石爲稱之最重以石而稱則爲重物故金鐵曰石  
言絲絲止於斤兩金鐵乃至於石舉石而言之則  
止稱之物皆通之也傳取金鐵重物以解言石之  
意非謂所關通者惟金鐵耳米粟則斗斛以量之  
布帛則丈尺以度之惟言關通權衡則度量之物  
樞遷有無亦關通矣舉一以言之耳衡石所稱之  
物以供民之器用其土或有或無通使和平也論  
語云百姓足君孰與不足民既足用則官亦富饒  
故通之使和平則官民皆足有典有法可依而行  
官民足可坐而守言士制存而太康失其業所以

云也訓緒為業費氏顧氏等意云通金鐵於人官不禁障民得取之以供器用器用既具所以上下充足以金鐵皆從石而生則金鐵亦石之類也故漢書五行志云石為怪異入金不從華之條費顧之義亦得通也  
**五曰嗚呼曷歸予懷之悲**  
思而悲  
**萬**

姓仇予予將疇依  
仇怨也言當依誰以復國乎  
**鬱陶乎予心顏**

厚有怵怩  
鬱陶言哀思也顏厚色愧怩  
**弗慎厥德**

雖悔可追  
言人君行已不慎其德以速滅敗  
**五**

至可追  
正義曰嗚呼太康已覆滅矣我將何所

依歸我以此故思之而悲太康為惡毒徧天下萬

姓皆共仇我我將誰依就乎鬱陶而哀思乎我之

心也我以此故外貌顏厚而內情怵怩羞慙由太

康不慎其德以致此見距雖欲改悔其可追及之乎事已往矣不可如何從首漸怨至此為深皆是羿距時事也傳仇怨至國乎正義曰相二年左傳云怨耦曰仇故為怨也羿距於河不得復反乃思太康欲歸依之言當依誰以復國乎傳鬱陶至賢士正義曰孟子稱舜弟象見舜云思君正鬱陶鬱陶精神憤結積聚之意故為哀思也詩云顏之厚矣羞愧之情見於面貌似如面皮厚然故以顏厚為色愧忸怩羞不能言心慙之狀小人不足以知得失故慙愧於仁人賢士

胤征第四

夏書

孔氏傳

羲和酒淫廢時亂日

義氏和氏世掌天地四時之官自唐虞至三代世職不絕

承太康之後沈湎於酒過差非度廢天時亂甲乙

胤往征之作胤征

胤國

受王命胤征奉辭罰義和至胤征正義曰義

往征之胤征罪曰征氏和氏世掌天地四時之

官今乃沈湎于酒過差非度廢天時亂甲乙不以

所掌為意胤國之侯受王命往征之史敘其事作

胤征傳義氏至甲乙正義曰義氏和氏世掌

天地四時之官堯典所言是其事也義和是重黎

之後楚語稱堯育重黎之後使典天地以至于夏

商是自唐虞至三代世職不絕故此時義和仍掌

時日以太康逸豫臣亦縱弛此承太康之後於今

仍亦懈情沈湎于酒過差非度廢天時亂甲乙是

其罪也經云酒荒于厥邑惟言荒猶不言好色故

訓淫為過言耽酒為過差也聖人作曆數以紀天

時不存曆數是廢天時也日以甲乙為紀不知日

食是亂甲乙也傳奉辭罰罪正義曰奉責讓

之辭伐不恭之罪名之曰征惟仲康肇位四海廢

征者正也伐之以正其罪

太康而立其弟胤侯命掌六師仲康命胤侯掌

胤侯命掌六師主六師為大司

胤侯命掌六師主六師為大司

胤侯命掌六師主六師為大司

胤侯命掌六師主六師為大司

胤侯命掌六師主六師為大司

胤侯命掌六師主六師為大司

胤侯命掌六師主六師為大司

胤侯命掌六師主六師為大司



在夏世為一代大賊左傳稱羿既篡位寒促殺之羿滅夏后相相子少康始滅浞復夏政計羿促相承向有百載為夏亂甚矣而夏未絕云太康崩其弟仲康立仲康崩子相立相崩子少康立相不言羿浞之事是馬遷之說踈矣

告于衆曰嗟予有衆勸

聖有謨訓明徵定保

徵證保安也聖人所謀之教訓為世明證所以定國

安先王克謹天戒臣人克有常憲

言君能慎戒臣能奉有常

法百官修輔厥后惟明明

修職輔君君臣俱明

每歲孟春適

人以木鐸徇于路

道人宣令之官木鐸金鈴木舌所以振文教

官師相

規正執藝事以諫

官師衆官更相規闕百工各執其所治技藝以諫諫失常其

或不恭邦有常刑

言百官廢職服大刑

告于至常刑正義曰胤侯將征義

和告于所部之衆曰嗟乎我所有之衆人聖人有  
謨之訓所以爲世之明證可以定國安家其所謀  
者言先王能謹慎敬畏天戒臣人者能奉先王常  
法百官修常職輔其君君臣相與如是則君臣俱  
明惟爲明君明臣言君當謹慎以畏天臣當守職  
以輔君也先王恐其不然大開諫爭之路每歲孟  
春道人之官以木鐸徇于道路以號令臣下使在  
官之衆更相規闕百工雖賤令執其藝能之事以  
諫上之失常其有違諫不恭謹者國家則有常刑  
傳徵證至安家正義曰成八年左傳稱晉殺趙  
括欒卻爲徵徵是證驗之義故爲證也能自保守  
是安定之義故爲安也聖人將爲教訓必謀而後  
行故言所謀之教訓聖人之言必有其驗故爲此  
之用證用聖人之謨訓必有成功故所以定國安

家傳言

正義曰王者代天理官故

稱天我臣人奉主法令故言常憲君當奉天臣當

奉君言君能戒慎天戒也臣能奉有常法奉行君

法也此謂大臣下云百官修輔謂衆臣傳道人

至文教正義曰以執木鐸徇於路是宣令之事

故言宣令之官周禮無此官惟小宰云正崇帥理

官之屬而觀治象之法徇以木鐸曰不用法者國

有常刑宣令之事略與此同此似別置其官非如

周之小宰名曰道人不知其意蓋訓道爲聚聚人

而令之故以爲名也禮有金鐸木鐸鐸是鈴也其

體以金爲之明舌有金木之異知木鐸是木舌也

周禮敎鼓人以金鐸通鼓大司馬敎振旅兩司馬

執鐸明堂位云振木鐸於朝是武事振金鐸文事

振木鐸今云木鐸故云所以振文教也傳官衆

至失常正義曰相規相平等之辭故官衆謂衆

官相規謂更相規闕平等有關猶尚相規見上之

過諫之必矣百工各執其所治技藝以諫謂被遣  
作器工有奢儉若月令云無作淫巧以蕩上心見  
其淫巧不正當執之以諫諫失常也百工之賤猶  
令進諫則百工以上不得不諫矣傳言百至大

刑正義曰百官廢職服大刑明堂位文也顧氏  
云百官衆臣其有廢職懈怠不恭謹者國家當有

常刑惟時義和顛覆厥德顛覆言反倒將陳義和所  
犯故先舉孟春之令犯令

之沈亂于酒畔官離次沈謂醉冥失次位也倣擾天紀遐弃

厥司倣始擾亂遐達也紀乃季秋月朔辰弗集于

房辰日月所會房所舍之次警奏鼓嗇夫馳庶人

走凡日食天子伐鼓於社責上公瞽樂官樂官進  
鼓則伐之嗇夫至幣之官馳取幣禮天神象以

走獸救日食  
義和尸厥官罔聞知  
王其官而無聞知於日食之變異所

以罪  
昏迷于天象以干先王之誅  
間錯天象言昏政亂之甚于紀也

典曰先時者殺無赦  
政典夏后為政之典簡若周官六卿之治典先時謂曆象

之法四時節氣弦望晦  
不及時者殺無赦  
不及謂曆象後

朔先時則罪死無赦  
天時雖治其官苟有先後  
惟時至無赦正義

之差則無赦况廢官乎  
職懈怠是為大罪惟是義和顛倒其奉上之德而沈  
沒昏亂於酒違叛其所掌之官離其所居位次始

亂天之紀綱遠棄所主之事乃季秋九月之朔日  
月當合於辰其日之辰日月不合於舍不得合辰

謂日被月食日有食之禮有救日之法於時瞽人  
樂官進鼓而擊之嗇夫馳騁而取幣以禮天神庶

人奔走供救日食之百役此為災異之大羣官促  
遽若此義和主其官而不聞知日食是大罪也此  
義和昏闇迷錯於天象以犯先王之誅此罪不可  
赦也故先王為政之典曰主曆之官為曆之法節  
氣先天時者殺無赦不及時者殺無赦失前後  
尚猶合殺况乎不知日食其罪不可赦也况彼罪  
之大言已所以征也傳顛覆至之誅正義曰  
顛覆言反倒謂人反倒也人當堅立今乃反倒猶  
且當事君今乃廢職似人之反倒然言臣以事君  
為德故言顛覆破德胤侯將陳義和之罪故先舉  
孟春之令犯令之誅舉輕以見重小事犯令猶有  
常刑况叛官離次為大罪乎傳沈謂至次位  
正義曰沒水謂之沈沈大醉冥然無所復知猶沈水  
然故謂醉為沈傳倣始至所主正義曰倣始  
遐遠皆釋詁文擾謂煩亂故為亂也洪範五紀五  
曰曆數曆數所以紀天時此言天紀謂時日此時

日之事是義和所司言其主傳辰日至可

知正義曰昭七年左氏曰晉侯問於士文伯曰

何謂辰對曰日月之會是謂辰是辰為日月之會

日月俱右行於天日行遲月行疾日每日行一度

月日行十三度十九分度之七計二十九日過半

月已行天一周又逐及日而與日聚會此聚會為

辰一歲十二會故為十二辰即子丑寅卯之屬是

也房謂室之房也故為所舍一欠計九月之朔日

月當會於大火之次釋言云集會也會即是合故

為合也日月當聚會共舍今言日月不合於舍則

是日月可知也日食者月掩之也月體掩日日被

月映即不成共處故以不集言日食也或以為房

謂房星九月日月會于大火之次房心共為大火

言辰在房星事有似矣知不然者以集是止舍之

處言其不集於舍故得以表日食若言不集於房

星似太遲太疾惟可見曆錯不得以表日食也且

日之所在星宿不見正可推算以知之非能舉目而見之君子慎疑寧當以日在之宿爲文以此知其必非房星也 傳凡日至百役 正義曰文十五年左傳云日有食之天子不舉伐鼓于社諸侯用幣于社伐鼓于朝杜預以爲伐鼓于社責羣陰也此傳言責上公者郊特牲云社祭土而主陰氣也君南嚮北墉下荅陰之義也是言社主陰也日食陰侵陽故杜預以爲責羣陰也昭二十九年左傳云封爲上公祀爲貴神杜稷五祀是尊是奉是社祭句龍爲上公之神也日食臣侵君之象故傳以爲責上公亦當羣陰上公並責之也周禮瞽矇之官掌作樂瞽爲樂官樂官用無目之人以其無目於音聲審也詩云奏鼓簡簡謂伐鼓爲奏鼓知樂官進鼓則伐之周禮太僕軍旅田役贊王鼓救日月亦如之鄭玄云王通鼓佐擊其餘面則救日之時王或親鼓莊二十五年穀梁傳曰天子救日



置五麾陳五兵五鼓陳旂多皆樂人伐之周禮無  
嗇夫之官禮云嗇夫承命告于天子鄭玄云嗇夫  
蓋司空之屬也嗇夫主幣禮無其文此云嗇夫馳  
必馳走有所取也左傳云諸侯用幣則天子亦當  
有用幣之處嗇夫必是主幣之官馳取幣也社神  
尊於諸侯故諸侯用幣於社以請救天子伐鼓于  
社必不用幣知嗇夫馳取幣禮天神庶人走蓋是  
庶人在官者謂諸侯胥徒也其走必有事知爲供  
救日食之百役也曾子問云諸侯從天子救日食  
各以方色與其兵周禮庭氏云救日之弓矢是救  
日必有多役庶人走供之鄭注庭氏云以救日爲  
太陽之弓救月爲太陰之弓救日以枉矢救月以  
恒矢其數則蓋用祭天之雷鼓也昭十七年夏六  
月甲戌朔日有食之左傳云季平子曰惟正月朔  
慝未作日有食之於是乎有伐鼓用幣禮也其餘  
則否太史曰在此月也當夏四月是謂孟夏如彼

傳文惟夏四月有伐鼓用幣之禮餘月則不然此以九月日食亦奏鼓用幣者顧氏云夏禮異於周禮也傳政典至無赦正義曰胤侯夏之卿士引政典而不書古典則當時之書知是夏后爲政之典籍也周禮太宰掌建邦之六典以佐王治邦國一曰治典二曰教典三曰禮典四曰政典五曰刑典六曰事典若周官之卿之治典謂此也先時不及者謂此曆象之法四時節氣弦望晦朔不得先天時不得後天時四時時各九十日有餘分爲八節節各四十五日有餘也節氣者周天三百六十五日四分日之一四時分之均分爲十二月則月各得三十日十六分日之七以初爲節氣半爲中氣故一歲有二十四氣也計十二月每月二十九日彊半也以月初爲朔月盡爲晦當月之中日月相望故以月半爲望望去晦朔皆不滿十五日

又此望去晦朔之數名之曰弦弦者言其月

光正年如可弦也晦者月盡無月言其闇也朔者月  
也言月死而更蘇也先天時者所名之曰在天時之  
先假今天之正時當以甲子為朔今曆以癸亥為  
朔是造曆先天時也若以乙丑為朔是造曆後天時  
也後即是不及時也今予以爾有衆奉將天罰

將行也奉

其氣望等皆亦如此王命行王誅謂殺涵  
淫之身立其賢子弟

爾衆士同力王室尚弼予欽

承天子威命

以天子威命督其士衆使用命

炎炎崐岡玉石俱焚

山脊曰岡崐山出玉言火逸而害玉

天吏逸德烈于猛火

逸過也天王之吏為

過惡之德其傷害天下甚於火

殲厥渠魁脅從罔

治

殲滅渠大魁帥也指謂義和罪人之身其脅從距王師者皆無治

舊染汙俗咸

與惟新

言其餘人久染汙俗本無所問嗚呼威克厥愛

允濟

歎能以威勝所愛克厥威允罔功以勝威

信無

其爾衆士懋戒哉

言當勉以用命戒以辟戾哉今予至戒正義

曰義和所犯如上故今我用汝等衆士當同心盡力於王室庶幾輔我行天罰汝等衆士當同心盡力於王室庶幾輔我  
殺無辜故假喻以戒之火災崐山之岡玉石俱被  
焚燒天王之吏爲過惡之德則酷烈甚於猛火且  
誅惡存善不得濫殺滅其爲惡大帥罪止義和之  
身其被迫脅而從距王師者皆無治責其罪久染  
汙穢之俗本無惡心皆與惟得更新一無所問又  
言將軍之法必有殺戮嗚呼重其事故歎而言之

言我雖愛汝有罪必殺其汝衆士宜勉力以戒慎  
哉勿違我命以取殺也傳將行至于弟正義  
曰將之爲行常訓也天欲加罪王者順天之罰則  
王誅也奉王命行王誅謂殺淫酒之身義和之罪  
不及其嗣故知殺其身立其賢子弟楚語云重黎  
之後世掌天地四時之官至于夏商則此不滅其  
族故傳言此也傳山脊至害玉正義曰釋山  
云山脊岡孫炎曰長山之脊也以崑山出玉言火  
逸害玉喻誅惡害善也傳逸過至於火正義  
曰逸即佚也佚是淫縱之名故爲過也天王之吏  
言位貴而威高乘貴勢而逞毒心或睚眦而害良  
善故爲過惡之德其傷害天下甚於火之害玉猛  
火爲烈甚矣又復烈之於火言其害之深也傳  
穢滅至無治正義曰穢盡也釋詁文舍人曰穢  
衆之盡也衆皆死盡爲滅也渠大魁帥無正訓以

上殲厥渠魁謂滅其元首故以渠為大魁為帥自  
史傳因此謂賊之首領為渠帥本源出於此

契至于成湯八遷十四世凡湯始居亳從先王居

契父帝嚳都亳湯自商作帝告釐沃告來居治沃

丘遷焉故曰從先王居正義曰自此已下皆商書也序

冠其篇首此篇經亡序存文無所託不可以無經

之序為卷之首本書在此故附此卷之末契是商

之始祖故遠本之自契至于成湯凡八遷都至湯

始往居亳從其先王帝嚳舊居當時湯有言告史

序其事作帝告釐沃二篇傳十四至國都正

義曰周語曰玄王勤商十四世而興玄王謂契也

勤殖功業十四出至湯而興為天子也殷本紀云

契生昭明昭明卒子相土立相土卒子昌若立昌

十九

若卒子曹圉立曹圉卒子冥立冥卒子振立振卒  
子微立微卒子報丁立報丁卒子報乙立報乙卒  
子報丙立報丙卒子壬立壬卒子主癸立主  
癸卒子天乙立天乙是爲成湯是也契至成湯十  
四世凡八國都者商頌云帝立子生商是契居  
商也世本云昭明居砥石左傳稱相土居商丘及  
今湯居亳事見經傳者有此四遷其餘四遷未詳  
聞也鄭玄云契不封商國在太華之陽皇甫謐云  
今上洛商是也襄九年左傳云陶唐氏之火正閼  
伯居商丘相土因之杜預云今梁國睢陽宋都是  
也其砥石先儒無言不知所在自契至湯諸侯之  
國而得數遷都者蓋以時王命之使遷至湯乃以  
商爲天下號則都雖數遷商名不改今湯遷亳乃  
作此篇若是諸侯遷都則不得史錄其事以爲商  
書之首文在湯征諸侯伊尹去亳之上是湯將欲  
爲王時事史以商有天下乃追祿初與并湯征與

汝鳩汝方皆是伐桀前事後追錄之也 傳契父至  
王居 正義曰先王天子也自契已下皆是諸侯

且文稱契至湯今云從先王居者必從契之先世  
天子所居也世本本紀皆云契是帝嚳子知先王  
是契父帝嚳帝嚳本居亳今湯往從之嚳實帝也  
言先王者對文論優劣則有皇與帝及王之別散  
文則雖皇與帝皆得言王也故禮運云昔者先王  
未有宮室乃謂上皇爲王是其類也孔言湯自商  
丘遷焉以相土之居商丘其文見於左傳因之言  
自商丘徙耳此言不必然也何則相土契之孫也  
自契至湯凡八遷若相土至湯都遂不改豈契至  
相土三世而七遷也相土至湯必更遷都但不知  
湯從何地而遷亳耳必不從商丘遷也鄭玄云亳  
今河南偃師縣有湯亭漢書音義目墳者云湯居  
亳今濟陰亳縣是也今亳有湯塚已氏有伊尹塚  
杜預云梁國蒙縣北有亳城城中有成湯塚其西



又有伊尹塚皇甫謐云孟子稱湯居亳與葛為鄰  
葛伯不祀湯使亳眾為之耕葛即今梁國寧陵之  
葛鄉也若湯居偃師去寧陵八百餘里豈常使民  
為之耕乎亳今梁國穀熟縣是也諸說不同未知  
孰是傳告來至皆亡正義曰經文既亡其義  
難明孔以意言耳所言帝告不知告誰序言從先  
王居或當**湯征諸侯**為夏方伯**葛伯不祀湯始**  
**告帝**魯也

**征之**葛國伯爵也廢其土地山川及宗廟  
神祇皆不祀湯始伐之伐始於葛國至

於葛正義曰序言湯征諸侯知其人是葛國之  
君伯爵直云不祀文無指斥王制云山川神祇有  
不舉者為不敬不敬者君削以地宗廟有不順者  
為不孝不孝者君黜以爵是言不祀必廢其土地  
山川之神祇及宗廟皆不祀故湯始征之湯伐諸  
侯伐始於葛仲虺之誥云初征自葛是也孟子云

湯居亳與葛為鄰葛伯不祀湯使人問之曰何為不祀曰無以供犧牲也湯使遺之牛羊葛伯食之

又不祀湯又使人問之曰何為不祀曰無以耕盛也湯使亳往為之耕老弱饋食葛伯率其人要

其酒食黍稻者劫而奪之不授者殺之有童子以黍肉餉殺而奪之書曰葛伯仇餉此之謂也是說

伐始於葛作湯征述始征之伊尹去亳適夏伊尹

之事也伊尹字氏湯傳伊尹至於桀正義曰伊氏尹字故

進於桀云字氏倒文以曉人也伊尹不得叛湯知湯貢之於桀必貢之者湯欲以誠輔桀冀其用

賢以治不可匡輔乃始伐之此時未有伐桀之意故貢伊尹使輔之孫武兵書反間篇曰商之興也

伊尹在夏周之興也呂牙在殷言使之為反間也與此既醜有夏復歸于亳醜惡其政不能入自北

門乃遇汝鳩汝方

鳩方二人湯之賢臣不期而會曰遇

正義曰伊尹與之言知是賢目也作汝鳩汝方

不期而會曰遇隱八年穀梁傳文也

言所以醜夏而還之意二篇皆云

# 尚書注疏卷第七

尚書注疏卷第八

國子祭酒上護軍曲阜縣開國子臣孔穎達奉

勅撰

商書

湯誓第一

仲虺之誥第二

湯誥第三

伊訓第四

太甲上第五

太甲中第六

太甲下第七

咸有一德第八

湯誓第一

伊尹相湯伐桀升自陟

桀都安邑湯升道從陟出其不意陟在河曲之南

遂與桀戰于鳴條之野

地在安邑之西桀逆拒湯作湯誓疏伊

至湯誓

正義曰伊尹以憂政醜惡去而歸湯輔相成湯與之伐桀升道從陟出其不意遂與桀戰

于鳴條之野將戰而誓戒士衆史敘其事作湯誓傳  
桀都至之南正義曰此序湯自伐桀必言伊尹相湯  
者序其篇次自爲首尾以上云伊尹醜夏遂相成湯伐  
之故文次言伊尹也計太公之相武王猶如伊尹之相  
成湯泰誓不言太公相者彼文無其次也且武王之時  
有周召之倫聖賢多矣湯稱伊尹云聿求元聖與之戮  
力伊尹稱惟尹躬暨湯咸有一德則伊尹相湯其功多  
於太公故特言伊尹相湯也桀都安邑相傳爲然即滅  
之河東郡安邑縣是也史記吳起對魏武侯云夏桀之  
居左河濟右太華伊闕在其南羊腸在其北修政不仁  
湯放之也地理志云上黨郡壺關縣有羊腸坂在安邑之  
北是桀都安邑必當然矣將明伊之所在故先言桀都  
安邑桀都在亳西當從東而往今乃升道從伊升者從  
下向上之名言伊當是山阜之地歷險迂路爲出其不  
意故也伊在河曲之南蓋今潼關左右河曲在安邑西  
南從伊向北渡河乃東向安邑鳴條在安邑之西桀西

出拒湯故戰于鳴條之野而在河曲之南鳴條在安邑  
之西皆彼有其迹相傳云然湯以至聖伐暴當顯行用  
師而出其不意掩其不備者湯承禪代之後嘗爲桀臣  
慙而且懼故出其不意武王則三分天下有其二久不  
事紂紂有浮桀之罪地無險要之勢故顯然致罰以明  
天誅又慙懃誓衆與湯有異所以湯惟一誓武王有三  
一傳地在至拒湯正義曰鄭玄云鳴條南夷地名孟子  
子云舜卒於鳴條東夷之地或云陳留平丘縣今有鳴  
條亭是也皇甫謐云伊訓曰造攻自鳴條朕哉自亳  
又曰夏師敗績乃伐三朶湯誥曰王歸自克夏至于  
亳三朶在定陶於義不得在陳留與東夷也今安邑  
見有鳴條陌昆吾亭左氏以爲昆吾與桀同以乙卯  
日亡韋顧亦爾故詩曰韋顧旣伐昆吾夏桀於左氏  
昆吾在衛乃在濮陽不得與桀異處同日而亡明昆  
吾亦來安邑欲以衛桀故同日亡而安邑有其亭也  
且吳起言險以指安邑安邑於此而言何得在南夷

乎謚言

湯誓

戒誓其士衆

湯誓

正義曰此經皆

誓之辭也甘誓泰誓牧

誓發首皆有序引別言其誓意記其誓處此與費誓惟記誓辭不言誓處者史非一人辭有詳略序

以經文不具故備言之也

王曰格爾衆庶悉聽朕言

契始封商湯遂以爲天下

號湯稱王則此桀於一夫

非台小子敢行稱亂有夏多罪天命

殛之

稱舉也舉亂以諸侯伐天子非我小子敢行此事桀有昏德民命誅之今順天

今爾

有衆汝曰我后不恤我衆令我穡事而割正夏

汝汝有衆

我后桀也正政也言奪予惟聞汝衆言

不憂我衆之言夏

氏有罪予畏上帝不敢不正

桀罪誅之

今汝其曰



夏罪其如台

今汝其復言桀惡亦如我所聞之言

夏王率遏衆力

率割夏邑

言桀君臣相率爲勞役之事以絕衆力謂廢農功相率割剥夏之邑居謂征賦

重有衆率怠弗協曰時日曷喪予及汝皆亡

衆下相率

爲怠惰不與上和合比桀於日曰是日何時喪我與汝俱亡欲殺身以喪桀

夏德若茲

今朕必往

凶德如此我必往誅之

爾尚輔予一人致天之罰

予其大賚汝

賚與也汝庶幾輔成我我大與汝爵賞

爾無不信朕不

食言

食盡其言

爾不從誓言

不用命

予則孥戮汝罔

有攸赦

古之用刑父子兄弟罪不相及今云罔有孥戮汝無有所赦權以脅之使勿犯

王曰

至攸赦。正義曰：商王成湯將與桀戰，呼其將士曰：「來！汝在軍之衆，庶悉聽我之誓言。我伐夏者，非我小子輒敢行此。以臣伐君，舉爲亂事，乃由有夏君桀多有大罪，上天命我誅之。桀旣失君道，我非復桀臣，是以順天誅之。由其多罪，故也。桀之罪狀，汝盡知之。今汝桀之所有之衆，即汝輩是也。汝等言曰：『我君夏桀不憂念我等衆人，舍廢我稼穡之事，奪我農功之業，而爲割剥之政於夏邑。』斂我貨財，我惟聞汝衆言夏氏旣有此罪，上天命我誅桀。我畏上天之命，不敢不正桀罪而誅之。又質而審之，今汝衆人其必言曰：『夏王之罪，其實如我所言。』夏王非徒如此，又與臣下相率，遏絕衆力，使不得事農，又相率爲割剥之政於此夏邑，使不得安居。上下同惡，民困益甚。由是汝等相率，怠惰不與在上和協。比桀於曰：『是日何時能喪？若其可喪，我與汝皆在身殺之。』寧殺身以亡桀，是其惡之甚。」

王惡德如此今我必往誅之庶幾輔成我一人  
致行天之威罰我其大賞賜汝無得不信我語  
我終不食盡其言爲虛僞不實汝若不從我之誓  
言我則并殺汝子以戮汝身必無有所赦勸使勉  
力勿犯法也庶亦衆也古人有此重言猶云難  
也傳契始至一夫正義曰以湯於此稱王故  
本其號商之意契始封商湯號爲商知契始封商  
湯遂以商爲天下之號鄭玄之說亦然惟王肅云  
相土居商丘湯取商爲號若取商丘爲號何以不  
名商丘而單名商也若八遷國名商不改則此商  
猶是契商非相土之商也若八遷遷即改名則相  
土至湯改名多矣相土旣非始祖又非受命何故  
用其所居之地以爲天下號名成湯之意復何取  
乎知其必不然也湯取契封商以商爲天下之號  
周不取后稷封邰爲天下之號者契後八遷商名  
不改成湯以商受命故宜以商爲號后稷之後隨

遷易名公劉爲豳太王爲周文王以周受命故當  
以周爲號二代不同理則然矣泰誓云獨夫受此  
湯稱爲王則比桀於一夫桀旣同於一夫故湯可  
稱王矣是言湯於伐桀之時始稱王也周書泰誓  
稱王則亦伐紂之時始稱王也鄭玄以文王生稱  
王亦謬也傳稱舉至順天正義曰稱舉釋言  
文常法以臣伐君則爲亂逆故舉亂謂以諸侯伐  
天子桀有昏德宣三年左傳文以有昏德天命誅  
之今乃順天行誅非復臣伐君也以此解衆人守  
常之意也傳今汝至之言正義曰如我者謂  
湯之自稱我也湯謂其衆云汝言桀之罪如我誓  
言所述也傳言桀至賦重正義曰此經與  
上舍我穡事而割正夏其意一也上言夏王之身  
此言君臣相率再言所以積桀之罪也力施於農  
財供上賦故以止絕衆力謂廢農功割剝夏邑謂  
鉏畝蠲言以農時勞佚又重斂其財政使民困而

怨慝賦歛重則民不安矣傳衆下至喪桀正義曰上既馭之非道下亦不供其命故衆下相率爲怠惰不與上和合不肯每事順從也比桀於日曰是日何時喪亡欲令早喪桀命也我與汝俱亡者民相謂之辭言並欲殺身以喪桀也所以比桀於日者以日無喪之理猶云桀不可喪言喪之難也不避其難與汝俱亡欲殺身以喪桀疾之甚也鄭云桀見民欲叛乃自比於日曰是日何嘗喪乎日若喪亡我與汝亦皆喪亡引不亡之徵以脅恐下民也傳食盡至不實正義曰釋詁云食僞也孫炎曰食言之僞也哀二十五年左傳云孟武伯惡郭重曰何肥也公曰是食言多矣能無肥乎然則言而不行如食之消盡後終不行前言爲僞故通謂僞言爲食言故爾雅訓食爲僞也傳古之至勿犯正義曰昭二十年左傳引康誥曰父子兄弟罪不相及是古之用刑如是也既刑不相

及必不殺其子權時以迫脅之使勿犯刑法耳不  
於甘誓解之者以夏啓承舜禹之後刑罰尚寬殷  
周以後其罪或相緣坐恐其實有孥戮故於此解  
之鄭云云大罪不止其身又孥戮其子孫周禮云  
其奴男子入于罪隸女子入于春臺鄭意以爲實  
戮其子故周禮注云奴謂從坐而沒入縣官者也  
孔以孥戮爲權脅之辭則周禮所云非從坐也鄭  
衆云謂坐爲盜賊而爲奴者輸於罪隸春人臺人  
之官引此孥戮汝又引論語云箕子爲湯既勝夏  
之奴或如衆言別有沒入非緣坐者也

欲遷其社不可

湯承堯舜禪代之後順天應人逆取順守而有慙德故革命創制改

正易服變置社稷而後世無及勾龍者故不可而止

作夏社疑至臣扈

言夏社不

可遷之義疑至及臣扈

而勝夏革命創制

正義曰湯既伐而勝夏革命創制變置社稷

欲遷其社無人可代公龍故不可而止於時有言  
議論其事故史叙之爲夏社疑至臣扈三篇皆亡  
傳湯承至而止正義曰傳解湯遷社之意湯  
承堯舜禪代之後已獨伐而取之雖復應天順人  
乃是逆取順守而有慙愧之德自恨不及古人故  
革命創制改正易服因變置社稷也易革卦彖曰  
湯武革命順乎天而應乎人下篇言湯有斬德大  
傳云改正朔易服色此其所得與民變革者也所  
以變革此事欲易人之視聽與之更新故於是之  
時變置社稷昭二十九年左傳云共工氏有子曰  
句龍爲后土后土爲社有烈山氏之子曰柱爲稷  
自夏已上祀之周棄亦爲稷自商已來祀之祭法  
云厲山氏之有天下也其子曰農能殖百穀夏之  
衰也周棄繼之故祀以爲稷共工氏之霸九州也  
其子曰后土能平九州故祀以爲社是言變置之  
事也魯語文與祭法正同而云夏之興也周棄繼

之興當爲襄字之誤耳湯于初時社稷俱欲改之  
周棄功多於柱即令廢柱祀棄而上世治水土之  
巨其功無及勾龍者故不可遷而止此序之次在  
湯誓之下云湯既勝夏下云夏師敗績湯遂從之  
是未及逐桀已爲此謀鄭玄等注此序乃在湯誓  
之上若在作誓之前不得云既勝夏也孟子曰滕  
牲既成粢盛既絜祭祀以時然而旱乾水溢則變  
置社稷鄭玄因此乃云湯伐桀之時大旱既置其  
禮祀明德以薦而猶早至七年故更致社稷乃謂  
湯即位之後七年大旱方始變之若實七年乃變  
何當繫之勝夏勝夏猶尚不可況在湯誓前乎且  
禮記云夏之襄也周棄繼之商興七年乃變安得  
以夏襄爲言也若商革夏命猶七年祀柱左傳亦  
不得斷爲自夏已上祀柱自商已來祀棄也由此  
而言孔稱改正朔而變置社稷所言得其旨也漢  
世儒者說社稷有二左傳說社祭勾龍稷祭柱棄



惟祭人神而已孝經說社為土神稷為穀神勾龍  
柱稷是配食者也孔年明說而此經云遷社孔傳  
云無及勾龍即同賈逵馬融等說以社為勾龍也  
傳言夏至皆亡正義曰疑至與臣處相類當

是二臣名也蓋亦言其不可遷之意馬夏師敗績  
融云聖人不可自專復用二臣自明也

湯遂從之大崩曰敗績遂伐三股俘厥寶玉三股國名

桀走保之今定陶也桀自安邑東入山出太行東  
南涉河湯緩追之不迫遂奔南巢俘取也玉以禮

神使無水旱之傳三股至寶之正義曰湯伐  
災故取而寶之三股知是國名逐桀而伐其國

知桀走保之也今定陶者相傳為然安邑在洛陽  
西北定陶在洛陽東南孔跡其所往之路桀自安

邑東入山出太行乃東南涉河往奔三股湯緩追  
之不迫遂奔南巢俘取釋詁文桀必載寶而行棄

於三股取其寶玉取其所棄者也楚語云王足以庇廕嘉穀使無水旱之災則寶之韋昭云王禮神之玉也言用王禮神神享其德使風雨調和可以庇廕嘉穀故取而寶之誼伯仲伯作典寶二臣作典寶一篇言國之常寶也亡

# 仲虺之誥第二

商書

孔氏傳

湯歸自夏至于大垆

自三股而還大垆地名

仲虺作誥

為湯左相

奚仲

湯歸至作誥

正義曰湯歸自伐夏至于

之後大垆之地其臣仲虺作誥以誥湯史錄其

言作仲虺之誥上言遂伐三股故傳言自三股而還不言歸自三股而言歸自夏者伐夏而遂逐桀

於今方始旋歸以自夏告廟故序言自夏傳本其來處故云自三股耳大垆地名未知所在當是定

陶向毫之路所經湯在道而言不恐來世以言爲口實故仲虺至此地而作誥也序不言作仲虺之  
以理足文便故略之傳爲湯至之後正義  
曰定元年左傳云薛之皇祖奚仲居薛以爲夏車  
正仲虺居薛以爲仲虺之誥仲虺臣名以諸侯  
湯左相是其事也相天子會同曰誥  
仲虺之誥正義曰發首二句史述成湯之心次  
二句湯言已慙之意仲虺乃作誥以下皆勸湯之  
辭自曰嗚呼至用爽厥師言天以桀有罪於夏  
之事自簡賢輔勢至言足聽聞說湯在桀時恐懼  
之事自惟王弗通聲色至厥惟舊哉言湯有德行  
加民民歸之事自佑賢輔德以下說天子之法當  
擢用賢良屏黜昏暴勸湯奉行此事不須以放桀  
爲惡康誥召誥之類二字足以爲文仲虺誥三字  
不得成文以之字足成其句畢命罔命不言之微  
子之命文侯之命言之與此同猶周禮司服言大

裘而冕亦足句也 傳仲虺至曰誥 正義曰伯

仲叔季人字之常仲虺必是其名或字仲而名虺

古人名字不可審知縱使是字亦得謂之為名言

是人之名號也 左傳稱居薛為湯左相是以諸侯

相天子也周禮七師云以五戒先後刑罰一曰誓

用之於軍旅二曰誥用之於會同是會同曰誥誥謂

於會之所設言以誥眾此惟誥湯一人而言會同者

因解諸篇誥義且仲虺必對眾誥湯亦是會同曰誥

成湯放桀于南巢惟有慙德 湯伐桀武功成故以

德慙德 湯代桀武功成故以 為號南巢地名有慙

不及古 曰予恐來世以台為口實 恐來世論道我

口 仲虺乃作誥 陳義誥湯 曰嗚呼惟天生民有欲

無主乃亂 民無君主則恣 惟天生聰明時又生聰

無主乃亂 情欲必致禍亂 言天

明是治  
有夏昏德民墜塗炭

夏桀昏亂不恤下民民之危險若墮泥塗

火無救  
天乃錫王勇智表正萬邦

續禹舊服

與王勇智應為民主儀表天下  
茲率厥典奉若

天命

天意如此但當循其典法奉順天命而已無所慙

成湯放桀于南巢正義

曰桀奔南巢湯縱而不迫故稱放也傳言南巢地名不知地之所在周書序有巢伯來朝傳云南方

遠國鄭玄云巢南方之國世一見者桀之所奔蓋彼國也以其國在南故稱南耳傳并以南巢為地

名不能委知其處故未明言之  
夏王有罪矯誣上天以布命于下

言託天以行虐於  
帝用不臧式商受命用爽厥師

民乃桀之大罪

是善也然則賢是德盛之名德是資賢之實忠是盡心之事良是爲善之稱俱是可用之人所從言之異耳佑之與輔顯之與遂隨便而言之傳弱則至正義正義曰力少爲弱不明爲昧政荒爲亂國滅爲亡兼謂包之攻謂擊之取謂取爲已有侮謂侮慢其人弱昧亂亡俱是彼國衰微之狀兼攻取侮是此欲吞并之意弱昧是始衰之事來服則制爲己屬不服則以兵攻之此二者始欲服其人未是滅其國亂是已亂亡謂將亡二者衰甚已將滅其國亡形已著無可忌憚故陵侮其人既侮其人必滅其國故以侮言之此是人君之正義仲虺陳此者意亦言桀亂亡取之不足爲愧下言推亡及覆昏暴其德日新萬邦惟懷志自滿九族乃離意亦在桀也

德日新萬邦惟懷志自滿九族乃離

日新不懈怠

德日至乃離

正義曰易繫辭云

自滿志盈溢

日新之謂盛德修德不怠日日益

新德如子人無遠不人故萬邦之民  
自附則凌人入既被陵情必不附維九族之親  
乃亦離之萬邦舉遠以明近一族舉親以明疎也  
漢代儒者說九族有二案禮載及尚書緯歐陽說  
九族乃異姓有屬者父族四母族三妻族二古尚  
書說九族從高祖至玄孫凡九族堯典云以親九  
族傳云以睦高祖玄孫之親則此言九族亦謂高  
祖玄孫之親也謂萬邦惟懷實歸之九族乃離實  
離之聖賢設言為戒容辭頗甚父子之間便以志  
滿相棄此言九族以為外姓九族有屬文便也

王懋昭大德建中于民以義制事以禮制心垂裕

後耳

民率義奉禮垂優足之道示後世  
子聞曰能

自得師者王

求賢聖謂人莫已若者亡  
而事之謂人莫已若者亡  
自多足人  
莫之益亡

道之好問則裕自用則小問則有得所以足嗚呼慎厥

終惟其始靡不有初鮮克有終殖有禮覆暴有

者封殖之昏故戒慎終如其始欽崇天道永保天命王者如此上事

道

# 湯誥第三

商書

孔氏傳

湯既黜夏命其黜退也退復歸于亳作湯誥湯誥以

桀大義湯既至湯誥正義曰湯既黜夏王之

告天下命復歸于亳以伐桀大義誥示天下史錄其事作湯誥仲虺在路作誥王歸自克夏至于



亳誕告萬方

誕大也以天命大義告萬方之衆人

王歸曰克夏正義曰湯之伐桀

常有諸侯從之不從行者必應多矣既已克夏改正名號還至于亳海內盡來猶如武成篇所云庶邦家君暨百工受命于周也湯於此時大誥諸侯以伐桀之義故云誕告萬方誕大釋詁文萬者舉

盈數下云凡我造邦是誥諸侯也

王曰嗟爾萬方有衆明聽予一

人誥

天子自稱曰予一人古今同義

惟皇上帝降衷于下民

皇大上帝

天也衷善也

降衷于下民

正義曰天生烝民與之仁義禮智信是天降善

於下民也天既與善於民君當順之故

若有恒性

克綏厥猷惟后

順人有常之性能安立

夏王滅德

下傳云順人有常之性則是爲君之道

其道教則惟爲君之道

作威以敷虐于爾萬方百姓夏桀滅道德作威刑

百官言爾萬方百姓罹其凶害弗忍荼毒罹被荼毒苦也

不能堪忍弗忍荼毒正義曰釋草云荼苦菜

虐之甚此菜味苦故假之以言人苦毒謂螫

人之蟲蛇虺之類實是人之並告無辜于上下神

所苦故并言荼毒以喻苦也

祇言百姓北民並告天道福善禍淫降災于夏以

彰厥罪政善天福之淫過天禍之故下災肆台小

子將天命明威不敢赦謂誅之敢用玄牡敢昭享

上天神后請罪有夏明告天問桀百姓敢用玄

義曰禮子云勝人尚白牲用白今云牲夏家尚  
其壯也文云張家尚白未變夏禮故用玄牲是  
其義也鄭玄說天神有六周家冬至祭皇天大帝  
于國丘牲用蒼夏至祭靈威仰於南郊則牲用騂  
孔注孝經國丘與郊共為一事則孔之所說無六  
天之事論語堯曰之篇所言敢用玄牡即此事是  
也孔注論語以為堯曰之章有二帝三王之事錄  
者採合以成章檢大禹謨及此篇與泰誓武成則  
有曰之章其文略矣鄭玄解論語云用玄牡者為  
舜命禹事於時摠告五方之帝莫適  
用用皇天大帝之牲其意與孔異

聿求元聖與

之勑力以與爾有衆請命

聿遂也大聖陳力謂伊尹放桀除民之穢是請

命

傳聿遂至請命正義曰聿訓述也述前所  
以申遂故事為遂也戮力猶勉力也論語云

陳力就列湯臣大賢惟有伊尹故知大聖陳力謂伊尹也伊尹賢人而謂之聖者相對則聖極而賢次散文則賢聖相通舜謂禹曰惟汝賢是聖得謂之賢則賢亦可言聖鄭玄周禮注云聖通而先識也解先識則為聖名故伊尹可為聖也孟子云伯夷聖人之清者也伊尹聖人之任者也柳下惠聖人之和者也孔子聖人之明者也是謂伊尹為聖人也桀為殘虐人不自保故伐桀除人之穢是為

請命

上天孚佑下民罪人黜伏

孚信也天信佑助下民桀知其罪退伏遠

屏天命弗僭責若草木兆民允殖

僭差責飾也言福善禍淫之道

不差天下惡除煥然咸飾

○

天命至允殖

正義

若草木同華民信樂生

○

曰桀以大罪身即黜

伏是天之福善禍淫之命信而不僭差也既除大惡天下煥然脩飾若草木同生華兆民信樂生也

昔日不保性命今日樂生沽矣借差不齊俾予一

人輯寧爾邦家言天使我輯安汝國茲朕未知獲

戾于上下此伐桀未知得罪於傳此伐至衆心正義曰經言

茲者謂此伐桀也顧氏云未知得罪于天地言伐桀

之事未知得罪于天地以否湯之伐桀上應天心中

符人事本實無罪而云未知慄慄危懼若將墮于

得罪以否者謙以求衆心慄慄危懼若將墮于

深淵慄慄危懼之甚凡我造邦無從匪彝無即愾

淫戒諸侯與之更始彝常愾慢各守爾典以承天

休守其常法爾有善朕弗敢蔽罪當朕躬弗敢自

承天美道

赦惟簡在上帝之心

所以不赦善人不赦已

惟簡

在上帝之心

正義曰鄭玄注論語去簡閱在天心言天簡閱其善惡也

其爾萬方有

罪在予一人

自責化

予一人有罪無以爾萬方

無

爾萬方言

嗚呼尚克時忱乃亦有終

忱誠也庶幾能是誠道乃

非所及

亦有終咎單作明居

咎單臣名主土地之官

咎

世之美

作明居

正義曰百篇之序此類有四伊尹作成

有一德

周公作無逸作立政與此篇直言其所作

之人不言其作者之意蓋以經文分明故略之馬

融去咎單為湯司空傳言主土地之官蓋示為司

伊訓第四

商書

孔氏傳

成湯既沒太甲元年

太甲太丁子湯孫也太丁未立而卒及湯沒而太甲立

伊尹作伊訓肆命徂后

凡三篇其二亡

成湯至徂后正義曰成

年

湯既沒其歲即太甲元年伊尹以太甲承湯之後恐其不能纂修祖業作書以戒之史叙其事作伊

訓肆命徂后三篇

傳太甲至元年

正義曰太

甲太丁子世本文也

此序以太甲元年繼湯沒之

下明是太丁未立而卒太甲以孫繼祖故湯沒而

太甲代立即以其年稱為元年也周法以踰年即

位知此即以其年稱元年者此經云元祀十有二

月伊尹祠于先王奉嗣王祗見厥祖太甲中篇云

惟三祀十有二月朔伊尹以冕服奉嗣王歸于亳

二者皆云十有二月若是踰年即位二者皆當以

正月行事何以用十二月也明此經十二月是湯崩之踰月太甲中篇三祀十有二月是服闋之踰月以此知湯崩之年太甲即稱元年也舜禹以受帝終事自取歲首遭喪嗣位經無其文夏后之世或亦不踰年也顧氏云殷家猶質踰月即改元年以明世異不待正月以為首也商謂年為祀序稱年者序以周世言之故也據此經序及太甲之篇太甲必繼湯後而殷本紀云湯崩太子太丁未立而卒於是乃立太丁之弟外丙三年崩別立外丙之弟仲壬四年崩伊尹乃立太丁之子太甲與經不同彼必妄也劉歆班固不見古文謬從史記皇甫謐既得此經作帝王世紀乃述馬遷之語是其踈也顧氏亦云止可依經伊訓作訓以教惟元祀誥大典不可用傳記小說伊訓道大甲

十有二月乙丑伊尹祠于先王

此湯崩踰月太甲即位並殯而告



惟元祀 正義曰伊尹祠于宋王與祭湯也奉  
嗣王祗見厥祖謂見湯也故傳解祠先王為奠  
殯而告見厥祖為居位主喪羣后咸在為在位次  
皆述在喪之事是言祠是奠也祠喪于殯飲祭皆  
名為奠虞祔卒哭始名為祭知祠非宗廟者元祀  
即是初喪之時未得祠廟且湯之父祖不追為王  
所言先王惟有湯耳故知祠實是奠非祠宗廟也  
祠之與奠有大小耳祠則有主有尸其禮大奠則  
奠器而已其禮小奠祠俱是享神故可以祠言奠  
亦由於時猶質未有節文周時則祠奠有異故傳  
解祠為奠耳 傳此湯至而告 正義曰太甲中  
篇云三祀十有二月伊尹以冕服奉嗣王則是除  
喪即吉明十二月服終禮記稱三年之喪二十五  
月而畢知此年十一月湯崩此祠先王是湯崩踰  
月太甲即位奠殯而告也此奠殯而告亦如周康  
王受顓命尸於天子春秋之世既有奠殯即位踰

年即位此踰月即位當莫殯即位也此言伊尹祠于先  
王是特設祀也嗣王祇見厥祖是始見祖也特設祀禮  
而王始見祖明是初即  
王位告殯為喪主也 奉嗣王祇見厥祖 居位 侯甸

羣后咸在 在位 百官總已以聽冢宰 伊尹制百官  
以三公攝冢

宰 伊尹乃明言烈祖之成德以訓于王 湯有功烈  
之祖故稱

焉 傳湯有至稱焉 正義曰湯有功烈之祖毛  
詩傳文也烈訓業也湯有定天下之功業為

商家一代之大祖 故以烈祖稱焉 曰嗚呼古有夏先后方懋厥德

罔有天災 先君謂禹以下少康以 傳先君至禋  
上賢王言能以德禳災 正義曰

有夏先君摠指桀之上世有德之王皆是也傳舉  
聖賢者言禹已下少康已上惟當禹與啓及少康

耳魯語云杼能師禹者也杼少康之子傳蓋以其德衰薄故斷自少康已上耳由勉行其德故無有

天災言能以山川鬼神亦莫不寧無也言暨鳥

德獲災也山川至咸若正

獸魚鼈咸若雖微物皆順之山川鬼神謂

山川之鬼神也亦莫不寧皆謂鬼神安人君之政

政善則神安之神安之則福人君無妖孽也鳥

獸魚鼈咸若者謂人君順禽魚君政善而順彼性

取之有時不天殺也鳥獸在陸魚鼈在水水陸所

生微細之物人君為政皆于其子孫弗率皇天降

順之明其餘無不順也

災假手于我有命言桀不循其祖道故天下禍災

造攻自鳴條朕哉自亳借手於我有命商王誅討之

造哉皆始也始攻桀伐無道由我始修德于亳

于其至自亳

正義曰于其子孫於有夏先君之

子孫謂桀也不循其祖之道天下禍災謂滅其國

而誅其身也天不能自誅於桀故借手于我有命

之人謂成湯也言湯有天命將為天子就湯借手

使誅桀也既受天命誅桀始攻從鳴條之地而惟

敗之天所以命我者由湯始自修德於亳故也惟

我商王布昭聖武代虐以寬兆民允懷

言湯布明武德以寬

政代桀虐政兆民以此

今王嗣厥德罔不在初言

皆信懷我商王之德

惡之由無不在

立愛惟親立敬惟長絜于家邦終

初欲其慎始

于四海

言立愛敬之道始於親長



立愛至四海正義

曰王者之取天下撫兆人惟愛敬二事而已孝

經天子之章盛論愛敬之事言天子當用愛敬

以接物也行之所立自近為始立愛惟親先愛其親推之以及疎立孝惟長先孝其長推之以及幼即孝經所云愛親者不敢惡於人孝親者不敢慢於人是推親以及物始則行於家國終乃洽於四海即孝經所云德教加於百姓刑于四海是也所異者孝經論愛敬並始於親今緣親以及疎此分屬屬

嗚呼先王肇修人紀從諫

弗咈先民時若

言湯始脩為人綱紀有過則改從諫如流必先民之言是順

先民時若正義曰賈逵注周語云先民古賢人也魯語云古曰在昔昔曰先民然則先民在

古昔之前遠言之也遠古賢人亦是民內之一人故以民言之先民之言於是順從言其動皆法古

賢居上克明

言理居上克明正義曰見下之也謂明言其以理恕物照察下

情是能明也為下克忠  
事上竭誠與人不求備檢身若不及

使人必器之常檢身若不及  
正義曰檢謂自攝歛也檢勅其身常如不及不

自大以卑人不以至于有萬邦茲惟艱哉  
言湯操恃長以陵物也

懼動而無過以至為敷求哲人俾輔于爾後嗣  
天子此自立之難

賢智使師輔於爾制官刑  
言湯制治官刑嗣王言仁及後世

曰敢有恒舞于宮酣歌于室時謂巫風常舞則荒淫  
樂酒曰酣

歌則廢德事鬼敢有殉于貨色  
恒于遊畋時謂淫風

也昧求財貨美色常遊敢有侮聖言  
逆忠直遠耆戲畋獵是淫過之風俗

名曰頑童時謂亂風

得侮聖人之言而不行其逆忠直之規而不納者年有德

比之是荒亂之風俗

惟茲三風十愆卿士有于身家

必喪

有一過則黨義廢失亡家之道

邦君有于身國必亡

此

臣下不匡其刑墨具訓于蒙士

邦君卿士則以爭臣自匡正臣

不正君服墨刑鑿其頷涅以墨蒙士

曰敢有至

義曰此皆湯所制治官之刑以勸戒百官之言也

三風十愆謂巫風二舞也歌也淫風四貨也色也

遊也畋也與亂風四為十愆也舞及遊畋得有時為之而不可常然故三事特言恒也歌則可矣不

可樂酒而歌故以酣配之巫以歌舞事神故歌舞為巫覡之風俗也貨色人所貪欲宜其以義自節

而不可專心殉求故言殉於貨色心殉貨色常爲  
遊畋是謂淫過之風俗也侮慢聖人之言拒逆忠  
直之諫踈遠耆年有德親比頑愚幼童愛惡憎善  
國必荒亂故爲荒亂之風俗也此三風十愆雖惡  
有大小但有一於身皆喪國云家故各從其類相  
配爲風俗臣下不匡其刑墨言臣無貴賤皆當匡  
正君也具訓于蒙士者謂湯制官刑非直教訓邦  
君卿大夫等使之受諫亦備具教訓下士使受諫  
也傳常舞至無政正義曰酣歌常舞並爲耽  
樂無度荒淫廢德俱是敗亂政事其爲愆過不甚  
異也恒舞酣歌乃爲愆耳若不恒舞不酣歌非爲  
過也樂酒曰酣言耽酒以自樂也說文亦云酣樂  
酒也楚語云民之精爽不攜貳者則明神降之在  
男曰覲在女曰巫又周禮有男巫女巫巫之官皆掌  
接神故事鬼神曰巫也廢棄德義專爲歌舞似巫  
事鬼神然言其無政也傳殉求至風俗正義



曰殉皆心循其事是貪求之意故為求也志在得  
之不顧禮義昧求謂貪昧以求之無過云于遊于  
是遊與政別故為遊戲與政獵為之無度是淫  
之風俗也傳狎侮至風俗正義曰侮謂輕  
慢狎謂慣忽故傳以狎配侮而言之旅樊云德盛  
不狎侮是狎侮意相類也傳邦君至匡正  
義曰言十愆有一則亡國喪家邦君卿士慮其喪  
士之故則宜以爭臣自匡正犯顏而諫臣之所難  
設不諫之刑以勵臣下故言臣不正君則服墨  
刑墨刑五刑之輕者謂鑿其頤涅以墨司刑所謂  
墨罪五百者也蒙謂蒙稚卑小之稱故蒙士例謂  
下士也顧氏亦以為蒙謂蒙闇之士例字宜從下  
讀言此等流  
例謂下士也  
嗚呼嗣王祗厥身念哉  
言當敬身  
念祖德  
聖  
謨洋洋嘉言孔彰  
洋洋美善言  
彰  
聖謨至孔  
甚明可法  
正義

曰此歎聖人之謨洋洋美善者謂上湯作官刑所言三風十愆令受下之諫是善言甚明可法也

惟上帝不常作善降之百祥作不善降之百殃善祥

也天之禍福惟善惡爾惟德罔小萬邦惟慶修德無小

則天下爾惟不德罔大墜厥宗苟為不德無大言惡有類以類相致必墜

失宗廟此伊爾惟至厥宗正義曰又戒王爾

尹至忠之訓惟修德而為善德無小德雖小猶

萬邦賴慶况大善乎爾惟不德而為惡惡無大惡

雖小猶墜失其宗廟况大惡乎傳苟為至之訓

正義曰爾惟德謂修德以善也爾惟不德謂不

修德為惡也易繫辭曰善不積不足以成名惡不

積不足以滅身乃謂大善始為福大惡乃成禍此

訓作勸誘之辭言為善無小小善萬邦猶慶况大

善事而為惡無大言小惡猶善經二事辭反而意同也傳言惡有類者非小惡比  
宗之意初為小惡小惡有族類以類相致至於大  
惡若致於大惡必墜失宗廟言至於大惡乃墜非  
小惡即能墜也晉語云趙文子冠見韓獻子曰戒  
之此謂成人成人在始始與善善進不善幾由至  
矣始與不善不善進善亦幾由至矣言惡有類以  
類相致也今太甲初立恐其親近惡人以惡類相  
致禍害故以言戒之此  
肆命陳天命以徂后  
是伊尹至忠之訓也陳往古明  
戒士君以

# 太甲上第五

商書

孔氏傳

## 太甲既立不明

不用伊尹之訓不明居喪之禮

## 伊尹放諸桐

湯葬地也

不知朝政  
故曰放

# 三年復歸于亳思庸

念常道

## 伊尹作太甲

### 三篇

太甲至三篇

正義曰太甲既立為君不明居喪之禮伊尹放諸桐宮使之思過三年復

歸於亳都以其能改前過思念常道故也自初立至放而復歸伊尹每進言以戒之史叙其事作太

甲三篇案經上篇是放桐宮之事中下二篇是歸亳之事此序歷言其事以摠三篇也

傳不用至

之禮

正義曰此篇承伊訓之下經稱不惠于阿衡知不明者不用伊尹之訓也王徂桐宮始云居

傳湯葬至曰

憂是未

正義曰經稱營于桐宮密邇先王知桐是湯放

正義曰經稱營于桐宮密邇先王知桐是湯

葬地也

舜放四凶徙之遠裔春秋放其大夫流之他境嫌此亦然故辨之云不知朝政故曰放使之

遠離國都往居基側與彼放逐事同故亦稱放也古者天子居喪三年政事聽於冢宰法當不知朝

政而云不知朝政曰放者德正法三年之內君雖不親政事冢宰猶尚諮稟此則全不知政故為放也

太甲

戒太甲故

傳戒太甲故

以名篇

正義曰

人名篇此太甲及沃丁君奭以被告之人名篇史官不同故以為名有異且伊訓肆命徂后與此三篇及咸有一德皆是伊尹戒太甲不可惟嗣王不同名伊訓故隨事立稱以太甲名篇也

惠于阿衡

阿倚衡平言不

惟嗣至阿衡

正義

正義

月即位此至放桐之時未知凡經幾月必是伊尹數諫久而不順方始放之蓋以三五月矣必是二年放之序言三年復歸者謂即位三年非在桐宮三年也史錄其伊尹訓王有伊訓肆命徂后其餘忠規切諫固應多矣太甲終不從之故言不惠于阿衡史為作書發端故言此為目也傳阿倚至

之訓正義曰古人所讀阿倚同音故阿為倚也  
稱上謂之衡故衡為平也詩毛傳云阿衡伊尹也

鄭玄亦云阿倚衡平也伊尹湯倚而取平故以為官名伊尹作書曰先王

顧諟天之明命以承上下神祇顧謂常目在之諟是也言敬奉天命

以承順傳顧謂至天地正義曰說文云顧還視也諟與是古今之字異故變文為是

也言先王每有所行必還迴視是天之明命謂常目在之言其想象如目前終常敬奉天命以承上

天下地之神祇也社稷宗廟罔不祗肅肅嚴也言能嚴敬鬼神而遠之天

監厥德用集大命撫綏萬方監視也天視湯德集王命於其身撫安天

下惟尹躬克左右厥辟宅師伊尹言能助其君

惟尹躬

正義曰孫武兵書及呂氏春秋皆云伊尹名摯則尹非名也今自稱尹者蓋湯得之使尹

正天下故號曰伊尹人既呼之為尹故亦以尹自

稱禮法君前臣名不稱名者古人質直不可以後

代之禮肆嗣王丕承基緒肆故也言失祖勤德致

約之

肆嗣王丕承基緒

有天下故子孫得大承

基業宜念

惟尹躬先見于西邑夏自周有終相亦

惟終

用忠信也言身先見夏君臣

其後嗣王罔克

有終相亦罔終

言桀君臣滅先人之道嗣王戒哉

祗爾厥辟辟不辟忝厥祖

以不終為戒慎之至敬

為君不君王惟庸罔念聞

言太甲守常不改伊尹

則辱其祖

無念聞伊尹之戒伊尹

乃言曰先王昧爽不顯坐以待旦

爽顯皆明也言先王昧明思大

明其德坐以待旦而行之

旁求俊彥啓迪後人

旁非一方美士曰彥開道後人

言訓戒

無越厥命以自覆

越墜失也無失亡祖命慎而不勤德以自顛覆

乃儉德惟懷永圖

言當以儉為德思長世之謀

若虞機張往省

括于度則釋

機弩牙也虞度也度機機有度以準望言修德夙夜思之明且行之如射

先省矢括于度釋則中

欽厥止率乃祖攸行

止謂行所安止君止於仁子止

於惟朕以懌萬世有辭

言能循汝祖所行則我喜悅王亦見歎美無窮

伊尹至有辭

正義曰伊尹作書以告太甲不念

開之伊尹乃又言曰先王

以未幾之寺思大明其



德既思得其事則坐以待旦明則行之其身既勤  
於政又乃旁求俊彥之人置之於位令以開導後  
人先王之念子孫其憂勤若是嗣王今承其後無  
得墜失其先祖之命以自覆敗王當慎汝儉約之  
德令其以儉爲德而謹慎守之惟思爲長世之謀  
謀爲政之事譬若以弩射也可準度之機已張之  
又當以意往省視矢括當於所度則釋而放之如  
走而射則無不中矣猶若人君所修政教欲發命  
也當以意夙夜思之使當於民心明旦行之則無  
不當矣王又當敬其身所安止循汝祖之所行若  
能如此惟我以此喜悅王于萬世常有善辭言有  
聲譽亦見歎美無窮也 傳爽顯至行之 正義  
曰昭七年左傳云是以有精爽至於神明從爽以  
至於明是爽謂未大明也昧是晦冥爽是未明謂  
夜向晨也釋詁云丕大也顯光也光亦明也於夜  
昧冥之時思欲大明其德既思得之坐以待旦而

行之言先王身之勤也 傳旁非至訓戒 正義

曰旁謂四方求之故言非一方也美士曰彥釋訓

文舍人曰國有美士為人所言道也 傳機弩至

則中 正義曰括謂矢末機張省括則是以射喻

也機是轉關故為弩牙虞訓度也度機者機有法

度以準望所射之物準望則解經虞也如射者弩

以張訖機關先省矢括與所射之物三者於法度

相當乃後釋弦發矢則射必中矣言為政亦如是

也 王未克變 脫伊尹至忠所以不已 性輕

正義曰未能變者據在後能變故當時為未能

也時既未變是不用伊尹之訓也太甲終為人主

非是全不可移但體性輕脫與物推遷雖有心向

善而為之不固伊尹至忠所以進言不已是伊尹

知其可移故誨之不 伊尹曰茲乃不義習與性成

止莫其終從已也

言習行不義  
將成其性

予弗狎于弗順營于桐宮密邇先王

其訓無俾世迷

伊近也經營桐墓立宮令太甲居之近先王則訓於義無成其過不

使世人迷

伊尹至世迷

正義曰伊尹以王未

惑怪之

變乃告於朝廷羣臣曰此嗣王所行

乃是不義之事習行此事乃與性成言為之不巳

將以不義為性也我不得令王近於不順之事當

營於桐墓立宮使比近先王當受人教訓之無得

成其過失使後世人迷惑怪之傳狎近至怪之

正義曰狎習是相近之義故訓為近也不順即

是近不順也習為不義近於不順則當日日益惡

必至滅亡故伊尹言已不得使王近於不順故經

營桐墓立宮墓傍令太甲居之不使復知朝政身

見廢退必當

王祖桐宮居憂

改悔為善也

往入桐宮

傳往入

居憂位

至憂位

正義曰亦既不知朝政之事惟行居喪之禮居憂位謂服治喪禮也伊尹亦使兵士衛之選賢俊教之故太甲能克終允德言能思念其終信德也祖終其信德

太甲中第六

商書

孔氏傳

惟三祀十有二月朔

陽以元年十一月崩至此二十六月三年服闋

伊尹以

冕服奉鬯王歸于亳

冕冠也踰月即吉服

惟三至于亳正義曰周

制君薨之年屬前君明年始為新君之元年此殷法君薨之年而新君即位即以其年為新君之元年惟三祀者太甲即位之三年也湯以元年十一月崩至此年十一月為再朞除喪服也至十一月服闋闋息也如喪服服奉鬯王歸于亳

冕是在首之服冠內之別名冠是首服之大者  
故傳以冕爲冠案王制云殷人哱而祭大雅云  
常服黼哱哱是殷之祭冠今云冕者蓋冕爲通  
名王制文云有虞氏皇而祭夏后氏收而祭殷  
人哱而祭周人冕而祭並是當代別名殷禮不  
知天子幾冕周禮天子六冕大裘之冕祭天尚  
質弁師惟掌五冕備物盡文惟衮冕耳此以冕  
服蓋以衮冕之服也顧氏云祥禫之制前儒不  
同案士虞禮云朞而小祥又朞而大祥中月而  
禫王肅云祥月之內又禫祭服彌寬而變彌數  
也禮記檀弓云祥而縞是月禫徙月樂王肅云  
是祥之月而禫禫之明月可以樂矣案此孔傳  
云二月十六月服闋則與王肅同鄭玄以中月爲  
間一月云祥後復更有一月而禫則三年之喪  
凡二十七月作書曰民非后罔克胥匡以生無  
與孔爲異

相匡故須君以生

后非民罔以辟四方須民以皇天眷佑

有商裨嗣王克終厥德實萬世無疆之休言王能

乃天之顧佑商家是王拜手稽首曰予小子不明

于德自底不類君而稽首於臣謝前過類欲敗度

縱敗禮以速戾于厥躬速召也言已放縱情欲毀

身疏傳遠召至其身正義曰釋言云速徵也徵

縱者放之於外有欲而縱之縱欲為一也準法謂

之度體見謂之禮禮度一也故傳并釋之言已放

縱情欲毀敗禮儀法度以召罪於其身也天作孽猶可違自作孽不

可遁

孽災遁逃也言天災

傳孽災至可逃

正

妖孽青祥漢書五行志說云凡草物之類謂之妖

妖猶天胎言尚微也蟲豸之類謂之孽孽則牙孽

矣其則異物生謂之青自外來謂之祥是孽為災

初生之名故為災也遁逃也釋言文契光云行相

避逃謂之遁亦行不相逢也天作災者謂若太戊

桑穀生朝高宗雖雉升鼎耳可修德以讓之是可

避也自作災者謂若桀放鳴條紂死宣室是不可

逃也據其將來修德可去及其已至改亦無益天

災自作逃否亦同且天災亦由人行而至非是橫

加災也此太甲自悔之深故言自作甚於天災耳

既往背師保之訓弗克于厥初尚賴匡救之德圖

惟厥終

言已已往之前不能修德於其初今庶幾賴教訓之德謀終於善悔過之辭

伊

# 尹拜手稽首

拜手首至手

傳拜手首至手

正義

曰稽首二曰頓首三曰空首鄭玄云稽首拜頭至地也頓首拜頭叩地也空首拜頭至手所謂拜手也鄭惟解此三者拜之形容所以為異也稽首頭至地頭下至地也頓首頭下至地暫一叩之而已此言拜手稽首者初為拜頭至手乃復申頭以至手地至手是為拜手至地乃為稽首然則凡為稽首者皆先為拜手乃後為稽首故拜手稽首連言之諸言拜手稽首義皆同也太祝又云四曰振動五曰吉拜六曰凶拜七曰奇拜八曰褒拜九曰肅拜鄭注云振動者戰栗變動而拜吉拜者拜而後稽顙謂齊衰不杖以下者之拜凶拜者稽顙而後拜即三年喪拜也奇拜者謂君答臣一拜也褒拜者謂再拜拜神與尸也肅拜者謂振拜也禮介者不拜及婦人之拜也左傳云天子在寡君無所稽



首則諸侯於天子稽首也諸侯相曰修厥身允德於則頓首也君於臣則空手也

協于下惟明后言修其身使信德合先王子惠困

窮民服厥命罔有不悅言湯子愛困窮之人使皆得其所故民心服其教令

無有不忻喜並其有邦厥鄰乃曰猷我后后來無罰湯

與鄰並有國鄰國人乃曰待我並其至無罰正義曰言湯昔

為諸侯之時與湯並居其有邦國謂諸侯之國也此諸侯國人其與湯鄰近者皆願以湯為君乃言

曰待我后后來無罰於我王懋乃德視乃厥祖無言羨慕湯德忻戴之也

時豫怠言當勉修其德法視其祖奉先思孝接下而行之無為是逸豫怠情

思恭

以念祖德為孝視遠惟明聽德惟聰言當以明

視遠

以

傳言當至聽德

正義曰人之心識

聰聽德

所知在於聞見聞見所得在於耳目

故欲

言人之聰明以視聽為主視若不見故言

惟明

謂監察是非也聽若不聞故言惟聰聰

謂識

知善惡也視戒見近迷遠故言視遠聽

戒背

正從邪故言聽德各準其事相配為文朕

承王之休無斁

王所行如此則我承王之美無厭

太甲下第七

商書

孔氏傳

伊尹申誥于王曰嗚呼惟天無親克敬惟親

言天於人無有親疏惟親能敬身者

伊尹申誥于王正義曰伊尹以至忠之心喜王改悔重

步於王真王大善一篇言神也天言善也奉天宜  
有仁神享克誠言天民與神皆歸于善也奉天宜  
其敬謹養民宜用仁恩事神當以誠信亦準事相配而為文也  
民罔常懷懷于

有仁以民所歸無常鬼神無常享享于克誠鬼

神不保一人能誠天位艱哉言居天子之位德惟  
信者則享其祀難以此三者

治否德亂為政以德則治與治同道罔不興與亂

同事罔不亡言安危在所任傳言安至所法正義曰任賢則興

任佞則亡故安危在所任於善則治於惡則亂故  
治亂在所法摠言治國則稱道單指所行則言事  
興難而亡易道大而事小故大言興而小言亡也  
此所云惟言治亂在所法耳下句云終始慎厥與

言當與賢不與佞治亂在於用終始慎厥與惟明

臣故傳於此言安危在所任也

明后

明慎其所與治亂之機則為明王明君

惟明明后

正義曰

明耳傳因文重故言明先王惟時懋敬厥德克

配上帝

言湯惟是終始所與之難勉修其德能配天而行之

今王嗣有令緒

尚監茲哉

令善也繼祖善業當夙夜庶幾視祖此配天之德而法之

若升高必

自下若陟遐必自邇

言善政有漸如登高升遠必用下近為始然後終致高遠

無輕民事惟難

無輕為力役之事必重難之乃可

無安厥位惟危

言當常自危

慎終于始

於始慮終

慎終于始

懼以保其位

正義曰欲慎

其終於始即須慎之故傳云於始慮其以終  
終戒情故又示於終思始言終始皆常無有

言逆于汝心必求諸道人以言逆汝心必以道義求其意勿相逆之

有言遜于汝志必求諸非道遜順也言順汝心必以非道察之勿

以自嗚呼弗慮胡獲弗為胡成一人元良萬邦

以貞胡何貞正也言善政則成善政一人天子天子有大善則天

下得傳胡何至其正正義曰胡之與何方言

其正之異耳易象象皆以貞為正也伊尹此言

勸王為善弗慮弗為必是善事人君善事惟有道  
德政教言不慮何獲是念慮有所得心所念慮  
是道德也不為何成則為之有所成則知心所念  
是為善政也謂天子為一人者其義有二一則天

子自稱一人是為謙辭言己是人中之一耳一則臣下謂天子為一人是為尊稱言天下惟一人而已

已君罔以辯言亂舊政利口覆國家故特慎焉臣罔以寵利

居成功成功不退其志無限傳成功至安之正義曰四時之序

成功者退臣既成功不知退謝其志貪欲無限其君不堪所求或有怨恨之心君懼其謀必生誅殺之計自古以來人臣有功不退者皆喪家滅族者眾矣經稱臣無以寵利居成功者為之限極以安之也伊尹告君而言及臣事者雖復汎說大理亦見已有退心也邦其永孚于

休言君臣各以其道則國長信保於美

咸有一德第八

商書

孔氏傳

伊尹作咸有一德

言君臣皆有純一之德以戒太甲

有一德

正義曰太甲既歸於亳伊尹致仕而退恐太甲德不純一故作此篇以戒之經稱尹躬及湯咸有一德言已君臣皆有純一之德戒太甲使君臣亦然此主戒太甲而言臣有一德者欲令太甲亦任一德之臣經云任官惟賢材左右惟其人是戒太甲使善用臣也伊尹既放太甲又迎而復之是伊尹有純一之德已為太甲所信是咸有一德即政之後已君臣純一欲令太甲法之咸有一德恐其不一故以咸有一德正義曰此篇終始皆言一德戒之之事發首至陳戒于德敘其作戒之由已下皆戒辭也德者得也內得於心行得其理既得其理執之心固不為邪見更致差貳是之謂一德也而凡庸之主監不周物志既少決性復多疑與智者謀之與愚者敗之則是二三其德不為一也

經云德惟一動罔不吉德二三動罔不凶是不二  
三則為一德也又曰終始惟一時乃日新言守一  
必須固也太甲新始即政伊尹伊尹既復政厥  
恐其二三故專以一德為戒

辟還政將告歸乃陳戒于德告老歸邑  
陳德以戒

德正義曰自太甲居桐而伊尹秉政太甲既歸

于亳伊尹還政其君將欲告老歸其私邑乃陳言

戒王於德以一德戒王也太甲既得復歸伊尹即

應還政其告歸陳戒未知在何年也下云今嗣王

新服厥命則是初始即政蓋太甲居亳之後即告

老也君奭云在太甲時則有若保衡保衡伊尹也

襄二十一年左傳云伊尹放太甲而相之卒無怨

色則伊尹又相太甲蓋伊尹此時將欲告歸太甲

又留之為相如成王之留周公不得歸也傳告

老至以戒正義曰伊尹湯之上相位為三公必



封爲國君又受邑于畿內告老致政事於君欲歸  
私邑以自安將離王朝故陳戒以德也無逸云肆  
祖甲之享國三十三年傳稱祖甲即太甲也殷本  
紀云太甲崩子沃丁立沃丁序云沃丁既葬伊尹  
于亳則伊尹卒在沃丁之世湯爲諸侯之時已得  
伊尹比至沃丁始卒伊尹壽年百有餘歲此告歸  
之時已應七十五左右也殷本紀云太甲既立三年  
伊尹放之於桐宮居桐宮三年悔過反善伊尹乃  
迎而授之政謂太甲歸亳之歲已爲即位六年與  
此經相違馬遷之說妄也紀年云殷仲壬即位居  
亳其卿士伊尹仲壬崩伊尹乃放太甲於桐而自  
立也伊尹即位於太甲七年太甲潛出自桐殺伊  
尹乃立其子伊陟伊奮命復其父之田宅而中分  
之案此經序伊尹奉太甲歸于亳其文甚明左傳  
又稱伊尹放太甲而相之孟子云有伊尹之志則  
可無伊尹之志則篡伊尹不肯自立太甲不殺伊

尹也必若伊尹放君自立太甲起而殺之則伊尹  
死有餘罪義當汙宮滅族太甲何所感德而復立  
其子還其田宅乎紀年之書晉太康八年汲郡民  
發魏安僖王塚得之蓋當時流俗有此妄說故其  
書因記曰嗚呼天難謚命靡常以其無常常  
之耳

厥德保厥位厥德匪常九有以亡其位九有諸侯其德則安

不能常其德九有以亡正義曰毛詩傳云九

湯伐而兼之有九州也此傳云九有諸侯謂九

州所有之諸侯伊尹此言汎說大理未指夏桀但

傳顧下文比桀為此言之驗故云桀不能常其德

湯伐而兼之夏王弗克庸德慢神虐民言桀不能常其德不敬神

明不恤皇天弗保監于萬方啓迪有命言天不

下民

為廣視萬方有天命者開道之天求一德使伐桀為眷求一德俾作神主

天地神祇之主惟尹躬暨湯咸有一德克享天心受

天明命享當也所征無敵謂之受天命傳享當至天命正義曰德當神意神乃

享之故以享為當也天道遠而人道近天之人非有言辭文誥正以神明佑之使之所征無

敵謂之受天命也緯候之書乃稱有黃龍玄龜白魚赤雀負圖銜書以授聖人正典無其事也

漢自哀平之間緯候始起假託鬼神妄稱祥瑞孔時未有其說縱使時已有之亦非孔所信也

以有九有之師爰革夏正爰於也於得九有之衆遂伐夏勝之

改其非天私我有商惟天佑于一德非天私商而王

之佑助一德所以王非商求于下民惟民歸于一德非商以力

求民自德歸於一德惟一動罔不吉德二三動罔不凶

二三言不一惟吉凶不僭在人惟天降災祥在德善行

則吉行惡則凶是不差德一天疏惟吉至在德正義曰指

降之善不一天降之災是在德其已然則為吉凶言其徵兆則曰災祥其事不

甚異也吉凶已成之事指人言之故曰在人災祥未至之徵行之所招故言在德在德謂為德

有與不一在人謂人行有善與不善也吉凶至故言天降其實吉凶亦天降也今嗣王新

厥命惟新厥德其命王命新終始惟一時乃

日新言德行終身不義任官惟賢材左右惟其

人官賢才而任之非賢才不可任臣為上為德

為下為民言臣奉上布德順下訓民其難其

慎惟和惟一其難無以易其慎無以輕之

今嗣王至惟一正義曰上既言在德此

行之德所云新者終始所行惟常如一無有

衰殺之時是乃日新也王既身行一德臣亦

當然任人為官惟用其賢材輔弼左右惟當

用其忠良之人乃可為左右耳此任官左右

即王之目也臣之為用所施多矣何者言臣之

助為在上當施為道德身為臣下當須助為

於民也臣之既當爲君又須爲民故不可任非其才用非其人此臣之所職其事甚難無得以爲易其事須慎無得輕忽爲臣之難如此惟當衆臣相順惟當共秉一心以此事君然後政乃善耳言君臣宜皆有一德 傳其命至勿怠 正義曰說命云王言惟作命成十八年左傳云人之求君使出命也是言人君職在發命新服厥命新始服行王命故云其命王命也新其德者勤行其事日日益新戒王勿懈怠也 傳言德至之義 正義曰日新者日日益新也若今日勤而明日惰昨日是而今日非自旁觀之則有新有舊言王德行終始皆同不有衰殺從旁觀之每日益新是乃日新也義也 傳官賢至其人 正義曰任官謂任人以官故云官賢才而任之言官用賢才而委任之詩序云任賢使能非賢才不可任也問命云小大之臣咸懷忠良故言選左右必忠良不忠良即是非其

人任官是用人為官左右亦是任而用之故言選  
左右也直言其人字不見故據國命之文以忠  
良充之傳言臣至其人正義曰言臣奉上市  
德者奉上謂奉為左上解經為上也而德者謂  
為道德解經為德也順下訓民者謂下訓卑順以  
為臣下解經為下也訓民者謂以善道訓諭下民  
解經為民也顧氏亦同此解傳其難至乃善正  
義曰此經申上臣事既所為如此其難無以為易  
其慎無以輕忽之戒臣無得輕易臣之職也既事  
不可輕宜和協奉上羣臣當一心以事君如此政  
乃善耳一心即一德德無常師至善為師非  
言臣亦當一德也  
一方以善為善無常師至善為師非  
至乃可師  
俾萬姓咸曰大哉王言故曰大又曰一哉王

心能一德克綏先王之祿永底烝民之生言為

今萬姓如此則能保安先王之寵祿長致衆民所以自生之道是明王之事嗚呼七

世之廟可以觀德天子立七廟有德之王則為祖宗其廟不毀故可觀德

萬夫之長可以觀政能整齊萬夫嗚呼至觀

曰此又勸王脩德以立後世之名禮王者祖有功宗有德雖七世之外其廟不毀嗚呼七世之廟其

外則猶有不毀者可以觀知其有明德也立德在於為政萬夫之長能使其整齊可以觀知其善政

也萬夫之長尚爾況天子乎勸王使為善政也傳天子至觀德正義曰天子立七廟是其常事

其有德之王則列為祖宗雖七廟親盡而其廟不毀故於七廟之外可以觀德矣



以觀政謂觀其萬夫之長以七世之廟可以觀德  
謂觀七世之外文雖同而義小異耳所謂辭不害  
意漢氏以來論七廟者多矣其文見於記傳者禮  
器家語荀卿書穀梁傳皆曰天子立七廟以爲天  
子常法不辨其廟之名王制云天子七廟三昭三  
穆與太祖之廟而七祭法云王立七廟曰考廟曰  
王考廟曰皇考廟曰顯考廟曰祖考廟皆月祭之  
遠廟爲祧有一祧享泮乃止漢書晁玄議曰周  
之所以七廟者后稷始封文王武王受命而王是  
以三廟不毀與親廟四而七也鄭玄用此爲說惟  
周有七廟二祧爲文王武王廟也故鄭玄王制注  
云此周制七者太祖及文王武王二祧與親廟四  
太祖后稷也殷則六廟契及湯與二昭二穆夏則  
五廟無太祖禹與二昭二穆而已良由不見古文  
故爲此謬說此篇乃是商書已云七世之廟則天  
子立七廟王者常禮非獨周人始有七廟也文武

則為祖宗不在昭穆之數王制之文不得云三昭三穆也劉歆馬融王肅雖則不見古文皆以七廟為天子常禮所言二祧者王肅以為高祖之父及祖也并高祖已下共為三昭三穆耳喪服小記云王者禘其祖之所自出以其祖配之而立四廟庶子王亦如之所以不同者王肅等以受命之至是初基之王故立四廟庶子王者謂庶子之後自外繼立雖承正統之後自更別立已之高祖已下之廟猶若漢宣帝別立戾太子悼皇考廟之類也或可庶子初基為王亦得與嫡子同正立四廟也 后非民罔

使民非后罔事

君以使民自尊民以事君自生

無自廣以狹

人匹夫匹婦不獲自盡民主罔與成厥功有

狹人之心則下無所自盡矣言先盡其心然後乃能盡其力人君所以成功

無自至厥

功王義曰既言君民相須又戒王處心待物凡  
為人主無得自為廣大以狹小前人勿自以為  
大謂彼所知為小若謂彼狹小必待之如所  
遇得則意不自盡匹夫匹婦不得自盡其意則  
在下不肯親上在上不得下情沃丁既葬伊

尹于亳

沃丁太甲子伊尹既致仕老終以三公禮葬

咎單遂訓伊

尹事

訓暢其所行功德之事

作沃丁

咎單忠臣名作此篇以戒也亡沃

至作沃

正義曰沃丁殷王名也沃丁既葬

伊尹言重其賢德備禮而葬之咎單以沃丁愛

慕伊尹遂訓暢伊尹之事以告沃丁史錄其事

作沃丁之篇

傳沃丁至禮葬

正義曰世本

本紀皆云太甲崩子沃丁立是為太甲子也伊

尹本是三公上篇言其告歸知致仕老終以三

公禮葬皇甫謐云沃丁八年伊尹卒卒年百有餘歲大霧三日沃丁葬之以天子禮葬祀以太牢親臨喪以報大德晉文請隧襄王不許沃丁不當以天子之禮葬伊尹也孔言三公禮葬未必有文伊陟相大戊伊陟伊尹子太亳要情事當然也

有祥桑穀共生于朝

祥妖怪二木合生七日大拱不恭之罰

伊陟贊

于巫咸作咸乂四篇

贊告也巫咸臣名皆云

伊陟至四篇正義曰伊

陟輔相太戊於亳都之內有不善之祥桑穀二木共生于朝朝非生木之處是為不善之徵伊陟以此桑穀之事告于巫咸史錄其事作咸乂四篇又訓治也言所以致妖須治理之故名篇為咸乂也伊陟不先告太戊而告巫咸者君夷云在大戊時則有若巫咸又王家則咸是賢臣能治王事大臣

至之罰 正義曰漢書五行志云凡草木之類謂之妖自外來謂之祥祥是惡事先見之故爲妖怪也二木合生謂共處生也七日大拱生書傳有此文或當別出餘書則孔用之也鄭玄注書傳云兩手搯之曰拱生七日而見其大滿兩手也房本紀云一暮大拱言一夜即滿拱所聞不同故說異也五行傳曰貌之不恭是謂不肅時則有青眚青祥漢書五行志夏侯始昌劉向等說云肅眚也內曰恭外曰眚人君行己體貌不恭怠慢驕蹇則不能敬木色青故有青眚青祥是言木之變怪是貌不恭人君貌不恭天將罰之木怪見其徵也皇

甫謚云太戊問於伊陟伊陟曰臣聞妖不勝德帝

之政事有闕白帝修德太戊退而占之曰桑穀野

木而不合生於朝意者朝亡乎太戊懼修先王之

政明養老之禮三年而遠方重譯而至七十六國

是言妖不勝德也傳贊告至臣名正義曰禮

有贊者皆以言告人故贊為告也君爽傳曰巫氏

也當以巫為氏名咸此言臣名者言是臣之名號

也鄭玄云巫咸謂之巫官者案君爽戊子又稱賢

父子並為大臣必不世作

巫官故孔言巫氏是也

太戊贊于伊陟改過

自作伊陟原命原臣名原命伊陟正義曰言太戊

新伊陟原命伊陟二篇皆亡正義曰言太戊

贊於伊陟惟告伊陟不告原也史錄其事而作伊

陟原命三篇則太戊告伊陟亦告原俱以桑穀事

告故序摠以為文也原是臣名而云原命謂仲丁

以言命原故以原命名篇猶如同命畢命仲丁

遷于鄆

大戊之子仲丁遷于鄆

仲丁遷于鄆

正義曰仲丁遷于鄆

多篇並陳遷都之義如盤庚之誥民止於舊邦

謂之遷到彼新邑謂之居遷于鄆與居相亦事同

也以河亶甲三字句張不言于其地乃是居于相

也圯于耿者孔意以為毀于相地乃遷于耿地其

篇蓋言毀意故序特言圯也李願云鄆在陳留浚

儀縣皇甫謐云仲丁自亳徙鄆在河北也或曰今

河南敖倉二說未知孰是也相地孔云在河北蓋

有文而知也謐又以耿在河東皮氏縣即細是也

傳大戊至地名正義曰此及下傳言仲丁是

太戊之子河亶甲仲丁弟也祖乙河亶甲子皆世

本文也仲丁是太戊之子太戊之時作仲丁都之

仍云亳有詳知仲丁遷于鄆去亳也

義河亶甲居相仲丁弟相地作河亶甲祖乙

名在河北

祖乙

圮于耿

宣甲子圮於相遷於



傳宣甲至曰圮正義曰孔以河宣

甲居相祖乙即宣甲之子故以為圮於相地乃遷

都于耿釋詁云圮毀也故云河水所毀曰圮據文

圮于耿也知非圮毀于耿更遷餘處必云圮於相

地遷於耿者明與其上文連上云遷于顓謂遷來

向顓居於相謂居於相地故知圮于耿謂遷來于

耿以文相類故孔為此解謂古人之言雖尚要約

皆使言足其文令人曉解若圮於相遷居於耿經

言圮於耿太不辭乎且宣甲居於相祖乙居耿今

為水所毀更遷他處故言毀于耿耳非既毀乃遷

耿也盤庚云不常厥邑于今五邦及其數之惟有

亳蹶相耿四處而已知此既毀於耿更遷一處盤

庚又自彼處而遷於殷耳殷本紀云祖乙遷於邢

馬遷所為說耳鄭玄云祖乙又去相居耿而國為

水所毀於是修德以禦之不復徙也錄此篇者善



國紀毀政政而不徙如鄭所言稍爲文便但上有仲丁亶甲下有盤庚皆爲遷事作書述其遷意此若毀而不遷序當改文見義不應文類遷居更以不遷爲義汲冢古文云盤庚自奄遷于殷者蓋祖乙紀於耿遷於奄盤庚自奄遷於殷亳謂相作耿與此奄五邦者此蓋不經之書未可依信也

祖乙  
亡

上校安房守藤原憲實寄進

尚書注疏卷第八